

JEHOFA-JIREH ²

 A re feleng re eme, feela nakwana, ge re inamiša dihlogo tša rena.

² Tate wa Legodimong, re a leboga, bosegong bjo, bakeng sa monyetla wo re nago nao, go tla gape ntlong ya thapelo, moo re neago renabeng le mathata a rena go Wena, gore O tshepišitše go kopana le rena fa ka tlase ga Madi a tšholotšwego. Lefelo le nnoši le filwego leo Modimo a kilego a ba le modiradibe yola, goba e ka ba mang a ka kopanago le Modimo, e bile ka tlase ga Madi a tšholotšwego. Kafao re tla Leineng la Morena Jesu, re tseba gore O tshepišitše ge—ge re ka kgopela e ka ba eng Leineng lela, e swanetše go fiwa. Re dumela Wena, Tate. Thusa gosedumele ga rena. Re a rapela gore kopano ya rena mmogo, bosegong bjo, e tla ba go letago la Modimo, gore Modimo a hlomphiwe, gomme Leina la Gagwe le lemogwe magareng ga batho. Ka gore re e kgopela Leineng la Jesu, Morwa wa Modimo. Amene.

Le ka dula.

³ Ke tsea wo go ba monyetla go ba mo gape bosegong bjo, le go bona sehlopha se sebotse se sa batho se kgobokane ntle mo. Ke a dumela, ba rile e be e le pontšho ya setoko. Ke ile ka swara dikopano, gabotse kgauswi, mehuta yohle ya mafelo go dikologa lefase. Ke elelwa ntle ka California, ke bile le dikopano tše pedi goba tše tharo kua ka Cow Palace, ba e bitša. Gomme go tšwa go disaese tša go fapania, kamora ye nnyane ye e swarago batho ba bahlano goba ba tshela, godimo go, gabotse, kopano ye kgolokgolo re kilego ra ba le yona ka nako e tee, e bile Bombay, dikete tše makgolotlhano ka go kgobokano e tee.

⁴ Eupša, Bombay, selo se segolo, Morena wa rena o phološitše batho ba bantši. Ge re ka no kgona go dira dikereke go ba le tirišano, ba ka kgona go tsea Mahindu ale le go ya pele. Gomme seo ka kgonthe e bile, se re se bitšago, “basedumele.” Eng kapa eng ye e sa dumelogo ka go Morena Jesu Kriste, re bitša seo “mosedumele.” Gomme ka kgonthe go bile dikete tše di amogetšego Kriste, eupša o ka kgona . . . o no se kgone go fihla go bona.

⁵ Ka gona ka Durban, Afrika Borwa, re ngwadišitše kua, batho, dikete tše masometharo godimo ga pitšo e tee ya aletara, morago ga sekgalela se tee. Moo, letšatši la go latela, ratoropo, Sidney Smith, wa Durban, ka e ka ba tše šupa goba seswai tša dibene tše kgolo tšela tša Mabritania di be di nno pakelana go tlala ka dikota tša kgale le dilo tše batho ba bego ba sepela godimo ga tšona, lebaka la makgolo a dimaele. Goba, ba ba tlišitše lebaka la dibeke, tlase go kgabola dikgwa, godimo ga dirwadi. Di be di pakelane tšohle di tletše ka tše.

⁶ Ratoropo o ile a nteletša, a re, “Eya lefastereng la gago le le lebanego le Lewatlekgo lo India, ntle kua ka hoteleng,” o rile, “gomme o tla bona se sengwe o sa nkago wa se bona pele.”

⁷ Gomme fa go be go le dibene tše kgolo di nno pakelana godimo ka tšona, tše re bego re di bitša, dikota le dirwadi, le go ya pele, go rwala baratwa ba bona go tšwa lesoding. Gomme batho ba ba bego ba le godimo ga tšona, letšatši pele, ba be ba sepela ka morago ga bene, ba opela *Dumela Feela* ka leleme la bona la setlogo. Ka kgonthe e be e le ponagalo ya go kgahliša go bona seo.

⁸ Gomme ka fale go be go le dingaka. Bontši bja bona ba hlahlfile ditaba, go ba le kgonthe gore ba be ba nepile. Ga re nyake go phatlalatša selo, goba go gatiša selo, ntle le ge se ka kgonthišwa, therešo. Se swanetše go netefatšwa!

⁹ Ke sa tšo hwetša lengwalo go tšwa go... lebakana la go feta. Le nno tla go nna. Ke wa go ikgetha, ngaka ya go tsebalega ka Indiana. Yena ke Mokatoliki, ka tumelo. Gomme morwa wa gagwe ke moprista ka go monasteri wa St. Meinrad ka Jasper, Indiana. Yo e be e le Ngk. C. Ackerman. Gomme ke diregile go kopana le yena leetong la go tsoma, gatee. Gomme o be a tsoma lebaka la mengwaga ye lesometee, bakeng sa kgama. O šitilwe go hwetša e tee. Gomme bošegong bjoo, re dutše go fihla e nyakile go ba iri ya bobedi, re bolela ka Morena.

¹⁰ Ke kwele ngaka ye e be e le godimo kua ka kampeng. Kafao ge ke fihla godimo kua, ke be ke letetše go bona yo mongwe a le manganga le go fapania. Eupša ke kopane le yo maatla yo mokaone, mohuta wo mobose wa monna. O sepeletše godimo, a re, “A ke wena Ngwanešu Branham?”

Gomme ke rile, “Ee, mohlomphegi, ke nna.”

Gomme o šikintše seatla sa ka. O rile, “Ke nna Ngk. Ackerman.”

Ke rile, “Gabotse, ka kgonthe ke thakgetše go go tseba.”

¹¹ Re ile go bolela ka Modimo, le ka ga ka fao gore ge A kile a ba Modimo, O swanetše go dula a le Modimo, goba ga se nke A ba Modimo. Le a bona? Modimo wa histori ga se a loka lehono, ge A sa swane go batho lehono bjalo ka ge A bile nako yela.

¹² Ka fao, e ka ba ka iri ya boraro, rena, oo, mo—mo mohlahllo o re tsošitše. Gomme ke be... Ke be ke hlahllo, le nna, ka fao re be re eya go tsea leeto, go tseela banna ba rena ntle mafelong a go fapania fao re bego re tla hlahllo. Tseleng go theoga, Ngk. Ackerman o filwe go nna.

¹³ Gomme tseleng go theoga, o eme, gannyane nthatana pele ga seetša sa letšatši. A bea seatla sa gagwe godimo ga legetla la ka, o rile, “Ngwanešu Branham?”

Ke rile, “Ee, mohlomphegi, ngaka.”

¹⁴ O rile, “Ke kgodišegile ka go tsenelela ka Jesu Kriste.” O rile, “Ke na le mošemanе, o a tseba, ke moprista mo ka monastering.”

Gomme ka re, “Ee, mohlomphegi.”

¹⁵ O rile, “Ke nna Mokatoliki, ka tumelo. Ke a thankа yeo ke kereke.” O rile, “Gabotse, ke a dumela ge—ge A kile a ba Modimo, Yena ke Modimo wa batho bohle.”

¹⁶ Ke rile, “Yeo ke nnete tlwa. O hlotše batho bohle. Gomme ka Madi a tee O dirile ditšhaba tšohle.”

¹⁷ Gomme o rile, “Ee, mohlomphegi, ke dumela seo.” O rile, “Ke badile dipuku tša gago.” O rile, “Ke bota se. Ke a dumela, ge o ka kgopela Modimo, go mpha kgama lehono, ke tla e hwetša.” O rile, “Mengwaga ye lesometee ke di tsomile; ke swerwe ka madimong a lehlwa.”

¹⁸ Ke rile, “Ke tla kgopela Morena go go fa e tee, ngaka. Seo ke sohle ke kgonago go se dira.” Gomme ge ke Mo kgopetše, ke mo rapeletše. Ke rile, “Ngaka, ka iri ya senyane tlwa, mosong wo, Morena o go fa kgama ya—ya dintlha tše tlhano ya poo.”

Gomme o rile, “Ke a e dumela.”

Seo ke sohle a swanetšego go se dira. “Ge o e dumela.”

¹⁹ Kafao, mogwera le nna, re nametše godimo ga thaba, gomme re šeditše sešupanako. Ka iri ya senyane sethunya se galagetše. O be a na le kgama ya dintlha tše tlhano ya poo. Re ile le go mo thuša go e tliša ka gare.

²⁰ O tliša balwetši ba gagwe go rapelelwa. Ke no ba le ya go ikgetha gonabjale, gore o na le taba ya kankere, mosadi a ehwa ka kankere, o tla rata go fofela ka fa. Eupša ke ya gae, ka morago ga gosasa, ka morago, letšatši ka morago ga gosasa. Kafao ke mmoditše, nno leta go fihla re fihla ka kua, re tla rapelela mosadi ge re fihla kua.

²¹ Kafao, le a bona, bontši, ge taba e ka neelwa go motho ka tlhaologanyo! Phodišo Kgethwa e dirilwe polelo ye ntši ka yona, le bohlanya bjo bontši bo kgokilwe ka go yona, go swana le ge e le ka go se sengwe le se sengwe gape. Mohuta ofe kapa ofe—ofe kapa ofe wa bodumedi goba e ka ba eng, le hwetša mahlanya.

²² Ebile le ka go Bomohammedan, le a hwetša go na le, le Mahindu. O hwetša yo mongwe fale, moikaketši wa kgale a direla baeti tsoko metlae, a robetše godimo ga dipikiri le go ya pele, galase. Eupša morago ka bokagare, ke monna yo ka nnete a dumelago ka go seo. O dira seo bakeng sa sehlabelo.

²³ Gomme—gomme re hwetša gore ka go se sengwe le se sengwe. Re hwetša bohlanya. Ebile le moji bja mahlanya o ja kudu. Goba, goba, e ka ba eng!

²⁴ Eupša ge taba ka kgonthe e neetšwe ka Lengwalong, gona ga se gona se ka go . . . Ke hwetša dingaka tše ntši tša go dumela

go feta ka mo ke dirago badiredi ba go dumela. Ke a dira. Ka kgonthe ke a dira. Bontši ke a dumela.

²⁵ Ke botšollišitšwe ka ga Mayo. Ge bohle le e tseba, e bile bophara bja pampiri, le se sengwe le se sengwe. Gomme dikliniki tše kaone tša dingaka mogohle. Ga se gona. Ba a e dumela. Ke—ke bile le dingaka go tla go mpotša, go swana le ka go poledišanonyakišišo fale, ba rile, “Ga re tleleime go ba bafodiši. Re tleleima go thuša tlhago. Go na le mofodiši yo motee feela; yoo ke Modimo.”

²⁶ Ke ba bakae ba badilego *Reader's Digest*, ya Donny Morton yo monnyane yola, yeo ba saennego go yona, “o fodišitšwe”? Gomme, “Mohlolo wa Donny Morton,” *Reader's Digest*. Kafao, seo, seo se bile le nna go poledišanonyakišišo ka seo. Mošemane yo monnyane yola o hlobogilwe ke ba ga Mayo, Hopkins, le bohle ba bona. Gomme Morena Jesu o mo fodišitše, o mo dirile a welwe ke maruru.

²⁷ Gomme Florence Nightingale, setlogolo khukhu-morwedi sa mohu Florence Nightingale, London, Engelane. O fofišeditšwe go tšwa Durban, Afrika Borwa.

²⁸ Gomme selo se šetše se sa emelwe gabotse. Go no swana le . . . go swana le dinako tše ntši ka go . . .

²⁹ Gomme Bokriste ga bja emelwa gabotse go batho. Bokriste bo emetšwe go batho bjalo ka pego ya thutotumelo. Bokriste ke Sephedi se se phelago, Jesu Kriste, Modimo yo a tsogilego, yo a phelago le magareng ga rena bjale. Bokriste ke Motho, e sego thutotumelo. “Go tseba Yena ke Bophelo.” Ebile e sego go tsebe Lentšu la Gagwe; seo ga se Bophelo. “Go Mo tsebe,” gomme Yena ke Lentšu.

³⁰ Moisa o rile go nna, e se kgale botelele, o rile . . . Ke be ke no ahlaahla mabapi le . . . se re nagannego ka Lengwalo le le itše go ka Beibeleng. Moisa yo o be a le serutegi ka kgonthe. O rile, “Gabotse, o no se tsebe Beibele ya gago.”

³¹ Ke rile, “Ke tseba Mongwadi gabotse ka kgonthe.” Kafao, seo ke kgwekgwe ya selo, ge ke Mo tseba. O tla hlokomela ka moka ga yona. “Go tseba Yena ke Bophelo.”

³² Gomme, bjale, gosasa mosong, ka moagong fa, fale, monna wa ka wa leloko la setšhaba, Ngk. Lee Vayle, o fa. Ge go na le dipotšišo ka monaganong wa gago, etla, o tla e araba, a dira e ka ba eng a kgonago, go go thuša. Ngk. Vayle o mo. Ke a dumela o felotsoko ka morago ga moago bjale. Moithuti yo mokaone kudu, le monna yo a hlahlilwego gabotse kudu bakeng sa mošomo. Kafao, ge e ka ba mang a ne potšišo, goba e ka ba eng, gomme go na le go no leka go e botšiša bjale, ka kopanong ya phatlalatša ka mokgwa wo, ka baka la eng, go bona Ngk. Vayle. O tla thaba go bolela godimo le e ka ba eng yeo—yeo le tla ratago go bolela le yena. Gomme ka gona o na le tirelo mo, mosong. Gomme re tla thaba go—go kopana le batho mo.

³³ Gomme, ka gona, Lamorena mosong e tla ba sekolo sa Lamorena, go kgabola ntle toropokgolo. Ga re—ga re leke go tsea Lamorena, Lamorena mosong goba Lamorena morago ga sekgalela, ka otithoriamong mo, ka gore ga—ga se ya loka.

³⁴ Le a bona, dikereke, mošomo wa lena—wa lena o kerekeng ya lena—ya lena. Gomme ge kereke e na le ditirelo, leo—leo e swanetšego go ba lefelo la gago. Gomme ga re nyake e ka ba mang go tšwela ntle, ge o na le lefelo la gago mong la mošomo go tsenela. Ge kereke ya gago e na le tsošeletšo, gomme re direga go tsena ka toropongkgolo moo o nago le tsošeletšo, ga re re go dira seo, le gannyane. Re fa ka go kopanelo ya Bokriste, kgotlelelano, bakeng sa kgahlišo go batho bohole, dikereke tšohle. Ga re . . .

³⁵ Ga ke wa mokgatlo e ka ba ofe, le gatee. Ga ke wa mokgatlo e ka ba ofe. Ke—ke no ba Mokriste. Gomme nna, khuetšo ye ke nago le yona, ke no leka go e šomiša go—go hlompha Kriste, le go tliša badiradibe tshokologong. Gomme ke tšohle ke tsebago go di dira. Ke holofela, ka Letšatši leo, le go tshepa gore O tla re, “E dirilwe gabotse.” Gomme ao ke mantšu a ke nyakago go a bolela . . . go Mo kwa a a bolela.

³⁶ Ka mehla ke be ke makala. Ke be ke rata go Mo kwa ge A eme gomme a phurulla matsogo a Gagwe letšatši lela, gomme a re, “Etlang go Nna, lena bohole bao le katanago le go rwala boima.” Bjale, seo se be se fetile. Eupša, “O dirile gabotse, mohlanka wa Ka yo botse le go botega,” e tla ba ka moso. Gomme, nna, ke phela go kwa seo se bolelwa.

³⁷ Gomme bjale, gona, Lamorena morago ga sekgalela, re ya go rapelela balwetši. Dinako tše dingwe batho ba šupa seo bjalo ka ditirelo tša phodišo. Bjale, ga se tirelo ya phodišo. Ke go rapelela balwetši. Le a bona? Re rapelela balwetši. Gomme, ka mehla, ke ge dilo di direga, ke ge re rapelela balwetši.

³⁸ Ke nyaka modiredi yo mongwe le yo mongwe, go kgabola naga, go dikologa kae kapa kae, yo a dumelago, go tla, eba le kgonthe go tla Lamorena morago ga sekgalela, go ema le rena ge re rapelela balwetši. Go sa kgathale gore kerekeleina ya gago ke eng, goba eng kapa eng e lego yona, ga re tshwenyege ka seo. Ka nnete, le na le maikutlo go batho ba lena, le go batho ba e lego batho ba Modimo, le batho ba ba nyakago go fodišwa.

³⁹ Elelwang, ge o babja, mošomo wa gago wa pele ke go bona ngaka ya gago le go bona se a se bolelago. Gomme gona ge a hlodisiša taba ya se sengwe seo—seo a ka se se kgonego; saense, saense ga se ya ke ya kgona go utolla go yena thušo ye e ka ba efe go wena, gona o na le tokelo ya go tla go Modimo. Ke Yena Matwetwe yo mogolo. Gomme ka gona . . .

⁴⁰ Gomme rapela, gomme o be le thapelo e rapeletšwe godimo ga gago. Ba e dira, ba swanetše go e dira, ka kerekeng ye nngwe le ye nngwe ya Bokriste. Mohlomongwe, ba a dira mo. Ga ke tsebe. Eupša bontši bja mafelo, Bakriste ba rapelela balwetši ba bona.

Mapresbyterian le ba bantši ba bona ba ne masolo a magolo a phodišo go kgabola leboa, le dikarolo tša go fapana tša naga, go rapelela balwetši, le go ba le katlego ye kgolo; Presbyterian, Lutheran, Methodist, bontši bja bona.

⁴¹ Tsošeletšo ya bona ye kgolo e thomile ka masolo a phodišo. Gomme kafao ba tlogile go yona, ka nnete. Sehlopha se seswa se tla ka gare, bona, sehlopha sa banna se tla mmogo le go Le aroganya godimo ka tsela ye ba nyakago go dira, gomme morago fale go ya kgole go tloga go Lona, le a bona, go ya thwi morago go thutotumelo yela, boka Bafarisei le Basadutsei ba nako ya Morena Jesu.

⁴² Eupša bjale, modiredi yo mongwe le yo mongwe o memilwe, Lamorena morago ga sekigalela, go tla le go ba le nna, le—le go nthuša ge re rapelela balwetši. Tlišang balwetši le batlaišwa ba lena.

⁴³ Bjale, re leka bjale go dumelala batho...go hwetša badiradibe bao ba sa tsebego Morena wa ren, bao ba sa lemogego gore Yena ga se a hwa. Yena o a phela. Yena, Yena ga se a hwa. Yena o a phela, go ya go ile. Gomme O rile, “Gobane Ke a phela, le a phela le lena.” A tshepišo, gomme a kgothatšo, ge re bona nako e batamela!

⁴⁴ Bakriste bohle ba kgonthe ba dumela gore go Tla la bobedi ga Kriste go kgauswi. Bokgole bjo bokae, ga re tsebe. A le bone Alaska e na le ditšišinyego tša lefase tše mmalwa gape lehono? Ye tee ya tšona ka maatla ka fao ya pele e bego a le ka gona, feela ga se ya ke ya e šišinyetša fase. Le a tseba, Jesu o rile yona mehuta ya dilo e tla direga feela pele ga go Tla ga Gagwe.

⁴⁵ Gomme, elelwang, dilo tše tseo le di bonago di direga fa, Lentšu le akanyeditšwepele di tla ba fa, go no swana le ge A boleletše pele ga tšišinyego ya lefase. Kafao, mmogo, gobaneng re sa kgone go no bea dipelo tša ren mmogo, le go e roka ka go Lentšu la Modimo, le go dumela ka dipelo tša ren tšohle? Go lokile.

⁴⁶ Bjale, bošegong bja go feta, re be re...ke tšere sehlogo sa Abraham, ge a biditše leina la Morena yoo a bonagetšego go yena godimo fale go sehlabeledo sa morwa wa gagwe, moo a bego a eya gona. Leina le be le bitšwa *Jehofa-Jireh*, e lego, “Morena o tla ineela sehlabeledo Yenamong.”

⁴⁷ Bjale, bošegong bjo, ke na le Mangwalo a se makae le dinoutse, goba tše pedi, di ngwadilwe fase mo, tše ke nyakago go di tlogela—tlogela le lena. Bjale, feela pele re dira, a re rapeleng feela nakwana, gape.

⁴⁸ Tate, re a rapela gore O tla tšeia Lentšu la Gago...“Lentšu la Gago ke Therešo.” Gomme Beibele e rile, Jesu o a bolela, o rile, “Lentšu ke Peu yeo mobjadi a e bjetšego.” Bjale re a lemoga gore ge peu e le peu ye botse, e a nontšhwa. Gomme ge peu yela e rwaletšwe ntle, polane ya yona ka go—ka go thato ya Modimo,

gona e tlogela peu ye e nontšhitšwego. Gomme ge Jesu a be a le lefaseng, O be a le Morara wola. Gomme peu ye A e bjetšego e be e le Lentšu la Gagwe, gomme re a tseba gore e nontšhitšwe ke Bophelo bja Gagwe Mong.

⁴⁹ Gomme re a tseba gore peu, ge e wela ka go mohuta wa maleba wa mobu; e sego godimo ga matlapa, go se modu; goba ka meetlweng le ditshehlong, tše ka pela di bego di e kgama; eupša ka go ye botse, ya go huma, tumelo ya go nona. Peu ye nngwe le ye nngwe e tla tšweletša mohuta wa yona.

⁵⁰ Gomme re a tseba gore peu ye nngwe le ye nngwe, goba tshepišo ya Modimo, e tla tšweletša mohuta wa yona, se e se tshepišitšego, ge o ratha se-... mobu wa maleba, mobu wo o lokišitšwego, komana; ma—ma maswika ohle a lahletšwe ntle, le medu, le kgalako, le boitebelelanoši, le go se fapané, le mona, tšohle di kgoletšwe ntle; modu wola wa kgalako woo o tabogelago godimo, woo dinako tše dingwe o senyago selo seo Modimo a lekago go se dira. Re a rapela, Modimo, gore seo se ka se be magareng ga rená, eupša gore Lentšu le lebotse le tla hwetša mobu wo mobotse ka go tše.

⁵¹ Bjalo ka ge re latela mopatriaka yo mogolo yo, Abraham, ka go thuto bošegong bjo, a nke re hwetše maemo a rená, re tseba gore re bana ba Abraham, ka tumelo go Kriste. Gomme, gona, hwetša letago go Leina la Gago Mong le tlhompho, ka gore re e kgopela ka go la Jesu Kriste Leina. Amene.

⁵² Re ya mokgwa wa go lekolagape morago gannyane nthatana bošegong bjo, bakeng sa thuto ya se re bego re bolela ka sona mantšiboeng a go feta. Yeo e bile, gore, re hweditše Abraham a thoma, ka go Genesi tema ya 12. Ka kgonthe, leina la gagwe le boletšwe ka go tema ya 11, ge tatagwe a tlide tlase go tšwa Babilonia gomme ba dutše ka—ka Uri gomme ye... naga ya Bakaladea.

⁵³ Gomme ka gona re hwetša gore, gape, gore Modimo o biditše Abraham, e no ba monna wa mehleng ka leina la Abram. O be a se Abraham nako yeo. Gomme, le Sarah, "Sarai," Sarah o be a se Sarah nako yeo. Kafao re hwetša, Sarai le Sarah e be e le a mabedi a go fa-... e be e le maina a mabedi a go fapaná. Gomme Abram le Abraham e be e le maina a mabedi a go fapaná.

⁵⁴ Bjale re hwetša gore, ka go se, re mo tlišitše bošegong bja go feta, go fihla tiišetšo, gore Modimo o tiišeditše go yena kgwerano, ka fao A tla netefatšago go Abraham gore O be a eya go boloka tshepišo ya Gagwe. Yeo e hwetšwa ka go tema ye ya 15 ya Genesi. Gore ka fao... Gomme Abraham o bileditšwe ntle mo mantšiboeng, go tšeа fase, go bolaya namane goba sethole se seswa, le pudi ya tshadi, le kgapa. Gomme re tsene ka go yeo bošegong bja go feta, ka fao ditshadi tše pedi le tona. Gomme gona maeba a mabedi, goba mokurunyane le leeba, e lego lapa la go swana; le go hwetša kemedi ya seo, gore seo ka mehla se be

se emela phodišo. Yeo, ga se ya ke ya fetoga. Phodišo ka mehla e bile ka tumelo. Eupša poelano, ka nnete, e be e arogane go tloga go bophelo bja phoofolo go ya go bophelo bja motho.

⁵⁵ Bjale, ka go Testamente ya Kgale, ge morapedi a etla ka madi. Modimo o kopana feela le batho ka tlase ga Madi a tšholotšwego, lefelo le nnoši A kilego a le dira goba a ka tsogego a dira. A ka se tsoge a kopana le wena ka thutotumelo ya gago. A ka se tsoge a kopana le wena ka thuto ya gago. O tla kopana le wena ka tlase ga Madi; leo ke lefelo le nnoši. Israele yohle e rapetše ka tlase ga madi.

⁵⁶ Gomme re hwetša fao gona, gape, gore re hweditše (eng?) morago ka go histori ya eng, ka fao kgwerano e dirilwego ke batho, gomme re hwetša ka go mohuta wa ka Bohlabela le ditsela tša go fapania ba dirago kgwerano. Gomme ka fao re dirago lehono, ka go šišinya diatla, le go ya pele, le go re, “E tswalele!” Gomme Majapane a fošana ka letsawai seng sa bona, bakeng sa kgwerano.

⁵⁷ Gomme—gomme go sepela go dikologa lefase, gomme o hwetša bontši bja lefase bo sa le ka seemong sa go swana ba bilego morago ka go wona matšatši, gagolo ka tša ka Bohlabela le ka Bohlabela. Beibele ya gago e ba puku ye mpsha ge o ka tsoge wa ya Bohlabela, o ka se tsoge... morago ka Jerusalema, Palestina, morago ka kua. Le tla... Beibele, E ngwadilwe ka go... Re batho ba Maisimane godimo fa, le batho ba Bodikela, go leka go kwešiša puku ya Seisimane, kafao ke selo se sethata kudu. Ge o eya morago kua, o hwetša lenyalo le se sengwe le se sengwe, gomme feela tlwa ka tsela ye ba e dirilego ka nako ya Kriste. Dilo tše ntši fao ga se tša fetoga le gatee, ka metlwaeng le ditsela tša bona.

⁵⁸ Gomme bjale rena, ka go se, re hwetša gore ge ba dirile kgwerano ye ka go wona matšatši, ba—ba e thadile godimo ga seripa sa mokgopha wa nku, goba—goba letlalo. Gomme nako yeo ba bolaile phoofolo, gomme ba eme gare ga diripana. Gomme ba e ripa, kgwerano ye ya bona, goba ka bobedi, mantšu a bona; ba e gogetše ka bobedi, ka mokgwa *woo*. [Ngwanešu Branham o kgeila ntsekana ya pampiri go ba tše pedi—Mor.] Gomme ge di etla mmogo, *tše* di be di swanetše go nyalelana tlwa go swana. E be e swanetše go kopana, seripa ka seripa, kafao e be e ka se kgone go dirwa tše pedi. Kafao kagona re a hwetša nako yeo, gore, ka go thuto ya rena bošegong bja go feta, re hweditše se Modimo a se dirilego go netefatša go Abraham kgwerano ya Gagwe.

⁵⁹ Bjale, Abraham, tshepišo e dirilwe go Abraham le Peu ya gagwe ka morago ga gagwe. E sego feela Abraham, eupša Peu ya gagwe. Bjale, bjale, peu, peu ya tlhago ya Abraham, e be e le Isaka; eupša Peu ya semoya ya tumelo ya Abraham, e be e le Kriste. E sego ka Isaka, lefase lohle le be le šegofaditšwe;

eupša ka Kriste, Peu ya Bogoši, lefase lohle le be le šegofaditšwe, gobane O hwetše batho bohle, ditšhaba tšohle le batho bohle.

⁶⁰ Bjale re bona ka go ye, gape, ka go kgwerano ye, gore O bontšhitše fale se A tla se dirago, ka fao Modimo a tla aroganyago Kriste Jesu. Gomme mmele o ile wa tsošwa le go dula ka letsogong le letona la Modimo le Bogoši Godimo, gomme Moya wa Kriste o tlišitšwe fase godimo ga lefase.

⁶¹ Bjale ge nkabe re na le nako, le be le ka netefatša seo. Eng kapa eng, karolo e tee ya Lengwalo e re, E ya tsela yohle go kgabola Beibebe. Ge Le sa dire, gona go ne—go ne se sengwe sa phošo. Ya Kgale e be e no ba moriti wa ye Mpsha, e E swantšhapele. Gona, ge o ka hwetša moriti, gabotse o ka bolela se ye Mpsha e lego sona. Kafao ke moo A bilego, a lego gomme a tla bago.

⁶² Bjale Moya wo wa Kriste o tla morago godimo ga Kereke, tlwa o phethagaditše Johane 15 gape, moo A rilego, “Ke nna Morara, lena le makala.” Gomme ka gona gape, Johane 14:12, “Yo a dumelago ka go Nna, mediro ye Ke e dirago o tla e dira le yena,” mediro ya go swana, selo sa go swana. Pele go theoga go kgabola Lengwalo! “Ge le dula ka go Nna, gomme Lentšu la Ka ka go lena; kgopelang se le se ratago, se tla fiwa go lena.” Dilo tše dintši tše Kriste . . .

⁶³ “Lebakana le lennyane gomme lefase ga le sa Mpona gape. *Lefase*,” fao lentšu la Segerike *kosmose*, le ragu *tshepedišo ya lefase*, “ga le sa Mpona gape. Efela lena le tla Mpona, gobane Nna,” Nna e lego lešalašala, “Ke tla ba le lena, le ka go lena, go fihla bofelong bja lefase,” go dira Jesu Kriste wa go swana maabane, lehono, le go ya go ile. O—O—O sa le gona. O tsogile go tšwa bahung. “Lefase, mosedumele, a ka se Mpone.” Ba ka se E lemoge. Eupša modumedi o tla Mo lemoga, gobane Ke Jesu wa go swana yoo ka mehla A bilego. Yena ga se a fetoga. “Go swana maabane, lehono, le go ya go ile!”

⁶⁴ Gomme bjale, gomme Lentšu lela, batho ba bantši ba leka go dira Leo boka ga se La šušumetšwa. Bjale, ke nyaka go bolela se sengwe mo bjale, se nno tla godimo ga monagano wa ka.

⁶⁵ Gomme ga ke dumele gore phuluphithi e diretšwe lefelo la metlae. Le ga se lefelo la metlae. Bjo ke tlhokofalo. Gomme bjalo ka ge re bona Letšatši la Morena le tšwelela, re swanetše go ba ba go hlokofala kudu.

⁶⁶ Eupša go bile le ka—ka kanegelo e boditšwe, nako ye nngwe ya go feta, ka mo—mo moisa yo moswa yoo . . . Ye e be e le ka Boston, gomme o ile a tloga. O bile le mme yo mokaone, la mathomo, go thoma kanegelo, gomme mme ka kgonthe o tsebile mošemane wa gagwe o bile le pitšo ka bophelong bja gagwe, go hlankela Morena. Gomme seo se tla—seo se tla thuša mme e ka ba ofe, se swanetše, mme e ka ba ofe wa kgonthe, go tseba gore morwa wa bona . . . gore Modimo o ba hlomphile ka ngwana yo a

yago go rera Ebangedi. Yeo e swanetše go ba thoto go bophelo bja mme e ka ba ofe. Gomme kafao mme wa go šokiša, a leka go dira se sengwe le se sengwe a kgonnégo, o mo rometše kgole sekolong, le go seminari, go amogela BA ya gagwe—ya gagwe.

⁶⁷ Gomme kafao ge a be a sa ile, mme o ile a babja kudu. Gomme kafao yena, bjalo ka ge Mokriste e ka ba ofe a ka dira, ba biditše ngaka. Gomme ngaka . . . O bile le nyumonia ya go menagana gabedi. Gomme ngaka o lekile tšohle a kgonnégo go mo direla, go—go lekola nyumonia, gomme go be go se selo. O be a mo file diokobatši tša gagwe tša—tša salefa, phenisilini, le go ya pele, go—go bolaya twatši, gomme ga se e šome. Mme o bile gampeimpe, kgafetšakgafetša. Kafao ba rometše lentšu go morwa wa gagwe, yo a bego a le tlasetlase ka Asbury, Kentucky, go Wilmore Kholetše, go tla le go ete—. . . go mmona gobane o be a eya go hwa. Gomme ka gona mosong wo o latelago, ge mošemane a be a lokela go tloga, ba amogetše thelekramo, “Mmago o kaonana kudu. Letela pitšo ya pejana.”

⁶⁸ E ka ba ngwaga moragwana, mosadi o bile le monyetla wa go bona morwa wa gagwe. O boile gae maikhutšong le nako go tloga sekolong sa gagwe. Gomme o rile, “Mme, ke kwele gore o bile gabotse,” morago ga ge ba bile le nako ye nnyane ya kopanelo, bjalo ka ge morwa le mme ba tla dira. O rile, “Ga—ga se nke ka kwešiša feela seokobatši se ngaka e se fetotšego, go dira maemo a gago—a gago go kaonafala ka pela bjalo.”

⁶⁹ Gomme o rile, “Morwa, e—e be e se seo.” O rile, “O tseba moo mmišini wola wo monnyane o lego tlase mokgotheng fa, bona batho tlase fale bao . . .”

O rile, “Ee, ke elelwa seo.”

⁷⁰ O rile, “Go na le mohumagadi o boletše gore o ikwetše a hlahlwa go tla godimo fa le go nkogopela ge eba modiša a ka tla go nthapelela. Gomme kafao ke mmoditše go be go lokile.” Kafao o rile, “Modiša o tlie godimo le go e bala go tšwa Beibeleng, ‘Ge e ka ba mang magareng ga lena, a babja, a a bitše bagolo, le go ba tlotša ka oli; a ba rapelele. Thapelo ya tumelo e tla pholosa molwetši.’” Gomme o rile, “O a tseba, o badile seo go tšwa go Lengwalo, gomme o nthapeletše le go ntlotša ka oli. Gomme—gomme mosong wo o latelago, ke be ke le kaonana kudu go fihla ngaka a ntumelela go dula godimo. Ka matšatši a se makae ke be ke le gabotse.” Gabotse, o rile . . . O rile, “Oo, tumišang Morena!” O rile, “Morwa, o swanetše go . . .”

⁷¹ O rile, “Mme, o thoma go dira boka batho bale.” O rile, “Theetša, mme.” O rile, “Re ithutile godimo ka sekolong gore mo a balago kua, Lengwalo la bobedi a le badilego le be le ka go Mareka 16, moo, ‘Maswao a a tla latela bona bao ba dumelago. Ba tla bea diatla go balwetši gomme ba tla welwa ke maruru.’” O rile, “Re ithutile godimo kua ka sekolong gore Mareka 16, go tloga go temana ya 9 go ya pele, ga se ya šušumetšwa.” O rile, “O

a bona, batho bale ga ba ye sekolong, bontši bja bona tlase fale. Ga se ba rutega, mohuta wa batho ba go se rutege.” O rile, “Ba—ba ra gabotse, ga go pelaelo.” Eupša o rile, “Re ithutile sekolong gore, go tloga go temana ya 9 go ya pele, yeo e nno oketšwa, mohlolomongwe ke Vatican goba se sengwe, eupša,” a re, “ka baka la gore karolo yeo ga se ya šušumetšwa.”

⁷² Mme yo monnyane o lokolotše ye kgolo gagolo, “Haleluya!” Gomme kafao o rile . . .

O rile, “Mme! Gabotse, ke eng e go dirago go bolela yeo?”

⁷³ O rile, “Ke be ke no nagana, morwa, ge Modimo a ka kgona go mphodiša ka Lentšu le le sego la šušumetšwa, ke eng ka kgonthe A tla se dirago ka Leo le šušumeditšwego ka kgonthe?”

⁷⁴ Kafao—bjalo ka ditshepišo tše dingwe. “Kgopelang e ka ba eng Leineng la Ka, Ke tla e dira.” “Ge o re go thaba ye, ‘Šuthišwa,’ gomme o sa kamake ka pelong ya gago, eupša wa dumela gore se o se boletšego se tla direga, o ka hwetša se o se boletšego.” “Ge o rapela, dumela o amogela se o se kgopelago, gomme se tla fiwa go wena.” Le a bona, Le šušumeditšwe lohle, nthatana ye nngwe le ye nngwe ya lona.

⁷⁵ Ge Morris Reidhead, serutegi se sekaone kudu, a etla ntlong ya ka. O amogetše kolobetšo ya Moya wo Mokgethwa; a wa go kgabaganya tafola ye nnyane ya kofi ka ntlong. O rile go nna, o rile, “Ngwanešu Branham, ke a kwešiša gore o be o le mo—mo . . . O Mobaptist.”

⁷⁶ Gomme ke rile, “Gabotse, ke nno hlomamišwa, kereke ya Missionary Baptist, bjalo ka mošemane; ga ke wa . . .”

⁷⁷ A re, “Go lokile, Mapentecostal a o lekeletšego go dikologa le wona ke eng?”

Ke rile, “Ba no ba batho boka wena le nna.”

⁷⁸ O rile, “Gabotse, theetša,” o rile, “a o nagana woo ke Moya wo Mokgethwa se ba nago le sona?”

Ke rile, “Kgonthe.”

A re, “Ka baka la eng go raga le go tiba le go goelela gohle?”

⁷⁹ Ke rile, “Gabotse, ba swanetše go butšwetša mušimeetse go tšwa nakaneng. Ge ba sa e šomiše, dira maotwana go tokologa.” Ke rile, “O no tsoge wa ba—wa ba dira ba ithute se e lego mabapi le sona, sebakeng sa go no e budulela ntle ka tsela yeo. E bee go šoma, tumelo, ntle mokgotheng, go leka go tliša batho ka gare, ka go Mmušo wa Modimo.”

⁸⁰ Gomme o rile, “Gabotse, ke ba bone ba dira tšohle tše.” O rile, “Ke tla go botša gobaneng ke le mo.” O rile, “Mošemane yo mokaone go tšwa India,” o rile, “o hweditše thuto ya gagwe le sekolo.” O rile, “Nna, ge ke ile go tloga, go mo iša sefofaneng, go mmea sefofaneng, go mo thoma go ya morago mošwamawatle, Ke rile go yena, ke rile, ‘Morwa, bjale o ne thuto ya gago, o boela

morago go batho ba geno...” Ke nagana o ithutile go... Ga ke... Ke nagana dielektroniki.

⁸¹ O rile nako yeo, o rile, ge a thomile morago, o rile, “Gobaneng o sa tlo... tlogela moprofeta yola wa kgale wa go hwa, Mohammed, gomme o hwetše Jesu Kriste yo a tsogilego ka pelong ya gago?”

Gomme o rile, “Mohlomphegi, ke nyaka go go botšiša se sengwe.”

⁸² Bjale elelwang, yo o tšwa go se sengwe sa dikolo tše kglolkgolo tša Beibele, dikolo tša motheo, mothaka yo e be e le yo mongwe wa barutiši ba bona.

⁸³ O rile, “Jesu wa gago a ka kgona go ntirela eng kapa eng go feta ka mo moprofeta wa ka a ka kgonago go dira?”

⁸⁴ O rile, “Gabotse,” o rile, “Jesu wa ka a ka go fa Bophelo bjo Bosafelego.”

⁸⁵ O rile, “Nna, Korana e tshepiša selo sa go swana.” Korana ke Beibele ya Mohammedan, le a tseba. O rile, “E tshepiša selo sa go swana.”

O rile, “Gabotse,” o rile, “ya, ke...”

⁸⁶ O rile, “O a tseba, Korana ga se e tshepiše selo. Mohammed ga se a tshepiša selo eupša—eupša bophelo morago ga lehu.” O rile, “Jesu o tshepišitše lena barutiši, gore, ‘Maswao a le matete a tla latela.’” O rile, “Seo ke se Jesu a se boletšego.” Gomme o rile, “Re letile go bona seo se dirwa, go bona lena barutiši le se tšweletša.” Naganang ka sona!

⁸⁷ O rile go nna, “Thwi nako yeo,” o rile, “ke lemogile ke be ke se ka kopana le mošemane wa bošego. Gomme ke a tseba... Yena yo a tsebilego se a bego a bolela ka sona.” A ka no e phankganya. Eupša yeo ke tsela ye botse go e dira, a nke lenaba le tabogele go wena nako ye nngwe ka mokgwa woo gomme ka gona ga o tsebe mo o yago. Le a bona? Kafao o rile, “Ke lemogile gore yoo e be e se mošemane wa bošego.”

⁸⁸ Gomme o rile—o rile, “Gabotse, bjale lebelela mo. Jesu o tsogile go tšwa bahung.”

⁸⁹ O rile, “A O dirile?” O rile, “O bile le mengwaga ye dikete tše pedi go e netefatša, gomme pedi tharong ya lefase ga se nke ya tsoge ya kwa ka Yena. Bjale bothata ke eng ka lena batho?” O rile, “A nke Mohammed a tsoge go tšwa bahung, gomme lefase ka moka le tla e tseba ka diiri tše masomepedi nne.” Gomme yeo ke nnete.

⁹⁰ Le a bona, ba na le pere e eme lebitleng la gagwe. Ke e bone fao. Ba fetola bahlapetši e ka ba diiri tše dingwe le tše dingwe tše nne, ba mo letetše go tsoga, le bjale. Ka sekai kua, go tla godimo ga pere ye tšhweu, le a bona, go fenya lefase.

⁹¹ Gomme kafao o rile, “A nke—a nke a tsoge go tšwa bahung, gomme lefase ka moka le tla e tseba.”

⁹² O rile, “Gabotse, Jesu o tsogile go tšwa bahung.” O rile, “Moprefata wa gago o ka lebitleng.”

O rile, “O tseba bjang O tsogile go tšwa bahung?”

Morutiši o rile, “O ka pelong ya ka.”

O rile, “Mohammed o ka pelong ya ka, le nna, mohlomphegi.”

O rile, “Eupša ke na le lethabo le khutšo.”

⁹³ O rile, “Mohlomphegi, Bomohammedan bo ka tšweletša feela bontši bja saekolotši bjalo ka ge Bokriste bo ka kgona.” Gomme ba a dira. Le swanetše go ba kwa ba goelela le go goelela. Yeo ke nnete. “Go tšweletša feela bontši bja saekolotši bjalo ka ge Bokriste bo kgona.” O rile, “Gabotse, o ra eng ge o boletše gore Jesu o tshepišitše dilo tšohle tše go wena?” O rile, “Ke a nagana o šupa go Mareka 16?”

O rile, “Ee, yeo ke ye nngwe ya tšona. E sego tšohletšohle, eupša yeo ke yona.”

⁹⁴ “Jesu o rile, Mantšu a mafelelo A a boletšego go Kereke ya Gagwe, ‘Eyং lena ka go lefase lohle, le a bona, gomme le rere Ebangedi, gomme maswao a a tla latela modumedi.’ Botelele gakaakang? ‘Lefase lohle; sebopiwa se sengwe le se sengwe. Ge ba bea diatla tša bona go balwetši, ba tla welwa ke maruru.’ Mantšu a mafelelo A a boletšego, go ya ka Lengwalo la gago.”

⁹⁵ O rile, “Gabotse, o a bona,” o rile, “seo e no ba . . .” O rile, “O a bona, karolo yela ga se ya šušumetšwa.” O rile, “Ka kgonthe o be a sa re seo. Seo e be e se . . .”

⁹⁶ O rile, “Ga se ya šušumetšwa?” O rile, “Ke mohuta mang wa Puku o e balago?” O rile, “Korana yohle e šušumeditšwe.” Mmm! Ke go fenywa ga bofokodi bja thutamodimo, thutamodimo ya madirwakemetho ye e se nago mo—mo Moya go ema le go lebanya selo.

⁹⁷ Boka bana ba Bahebere ba rile, “Modimo wa rena o kgona go re lokolla go tšwa leubeng le la mollo, eupša le ge go le bjalo re ka se khunamele seswantšho se.” Re hloka batho ba go ba le sebete. Motho yo a dumetšego Modimo ka mehla o bile sebete le go dumela ka go tša kagodimogathago. Motho yo a dumelago Modimo!

⁹⁸ Mna. Reidhead o rile, “Ke ragile lebato, Ngwanešu Branham, ke ragile lerole ka mokgwa *woo*, gomme ga se ka kgona go araba monna.” O rile, “Ke rerile ka pelong ya ka go tla go go bona ka morago ga fao, le go botšiša se seo sohle se bego se le mabapi le sona.” Gomme o rile, “Ke nna yo.” O rile, “Ge Moya wo Mokgethwa . . .”

⁹⁹ O rile, “Ngwanešu Branham, mme wa ka o nthometše sekolong.” Gomme o rile, “Nna, ge ke hweditše BA ya ka, ke naganne go ne tlwa . . .”

Ke rile, “Ke tseba se o se rago.”

¹⁰⁰ O rile, “Gona letšatši le lengwe ke hweditše BA ya ka, ke naganne thwi fale ke tla hwetša Kriste. O be a se fao ge ke hwetša Grata ya ka ya Bongaka.” O rile, “Ke na le digrata tša go lekanelo, digrata tša tlhompho, go ritela maboto a gago, gomme Kriste o kae ka go yohle ya yona?”

¹⁰¹ Ke rile, “Ke nna mang go bolela gore barutiši ba phošo? Eupša seo ga se se re bolelago ka sona. Ke Motho, Kriste, yo o swanetšego go mo tseba.”

¹⁰² Bjale monna o swere masolo a magolo mogohle. Gomme Ngaka Lee Vayle fao, mogwera wa go loka wa ka, ke mogwera wa gagwe, le yena. Gomme o na le katlego ye kgolo, go rapelela balwetši le go swara masolo a magolo le se sengwe le se sengwe. Ke ka gobane monna yola o dumetše.

¹⁰³ Bjale, le a bona, Moya wo o bego o le ka go Kriste, mmele, Jesu e bego e le Modimo, Imanuele. Moya wo Mokgethwa, Modimo, o theogetše tlase ka go Kriste, gomme O dirilwe “Modimo le rena.” Gomme ka gona O be a . . . E be e le go re lopolla; Madi a Gagwe a tšholotšwe.

¹⁰⁴ Bjale, ka go Testamente ya Kgale, ge morapedi a etla le go bea diatla tša gagwe godimo ga moneelo wa gagwe, gomme o ripile mogolo wa . . . moprista o dirile, goba go dira sehlabelo. Morapedi o swere sehlabelo ka diatla tša gagwe, le go kwa go—go kgaoga ga nama, le kwana ye nnyane e ehwa; boyaa bja yona bjo bonnyane bo hlapa ka madi a gagwe, mo gohle diatleng tša modumedi, le go ya pele, e be e swerwe ka go letlao, go tšhungwa kua godimo ga aletara. Modumedi o lemogile gore o be a swanetše go ba yena a hwago bakeng sa sebe sela, eupša kwana e be e ehwa legatong la gagwe. Bjale, eupša bophelo bjo bo bego bo le ka mading ao, bo be bo sa kgone go tla morago godimo ga morapedi, ka baka la gore e be e le madi a phoofolo, ye e se nago soulo. Eupša ka go . . . Kagona go bile le go elelwa ga sebe, kgafetšakgafetša.

¹⁰⁵ Eupša, bjale, Jesu go beng Imanuele, gona Bophelo bja Modimo bo be bo le ka go Yena, gomme bjoo bo tla morago; e sego feela Bophelo bja motho, eupša Modimo ka Boyena, ka sebopego sa Moya wo Mokgethwa, bo tla morago le go le dira barwa le barwedi ba Modimo. Gona le barwa le barwedi. Gomme ka gona ge o ekwa go kgeilwa, le manyami le kotlo ye Jesu a ilego go e kgabola, a kwerwa ka yona, bodiredi bja Gagwe bo biditšwe mošomo wa diabolo, “Beletsebubu,” le go dirwa metlae, le go kwerwa, ke baetapele ba bodumedi, le go ganwa. “O tlile go ba Gagwe Mong; Ba Gagwe Mong ga se ba Mo amogela.” Le dilo tše A fetilego go tšona! Gomme ka gona go dira bophelo bja

Gagwe sehlabelo godimo ga sefapano, go lopolla bao Modimo a ba tsebilegopele. Go lopolla; go e tliša morago go lefelo moo e—e welego go tšwa gona. Ka gona, Modimo o dirile seo gore a romele morago Moya wo Mokgethwa godimo ga Kereke bjale, gore O . . . batho, badumedi. Ke ya badumedi fela.

¹⁰⁶ Ga se ya basedumele. Ba ka se tsoge ba e bona. Ba hwile, sa mathomo.

¹⁰⁷ Lebelelang Bafarisei bale ge ba bone Jesu a dira lona leswao leo le bego le swanetše go ba leswao la Bomesia.

¹⁰⁸ Lebelelang Petro, o le dumetše bjale. Gomme Nathaniele o le dumetše thwi bjale. Mosadi mo sedibeng o le dumetše; sefofu Baratimio. Bohle bale bao ba le amogetšego, ba a le dumela.

¹⁰⁹ Eupša baetapele bale ba eme fale gomme ba rile, “Ke Beletsebubu, moya wo mobe, mohuta tsoko wa bofora goba boradia.”

¹¹⁰ Jesu o rile, “Le bolela seo kgahlanong le Nna, Ke tla le lebalela,” sehlabelo se be se se sa dirwa, “eupša ge Moya wo Mokgethwa o tla go dira selo sa go swana, lentšu le tee kgahlanong le Wona le ka se tsoge la lebalelwa ka go lefase le goba ka go lefase le le tlago.”

¹¹¹ Gobaneng ba sa kgone go e dumela? Jesu o rile, “Lena le ba tataweno diabolo, gomme le tla dira mediro ya gagwe.” Yeo ke nepagalo.

¹¹² Go dumela Lentšu, ke go amogela Lentšu le go Le dira le be Bophelo. Bjale, Modimo a bontšha fale ka fao A bego a tiiša kgwerano ye. Go swanetše go ba ka tsela yeo. Kereke! E sego mokgatlo, e sego kerekeleina; eupša motho ka motho le Modimo o swanetše go ba Moya wa go swana. Woo ke morero wa Modimo, mo mathomong.

¹¹³ Adama le Efa ba be ba le moya wa go swana. Beibele e boletše ka go Genesi, ka go 1:27, “Ka seswantšho sa Modimo . . .” Modimo ke Moya. “Ka seswantšho sa Modimo O mo hlotše; monna le mosadi O ba hlotše,” ka sebopego sa moya seo se bego se le ka go Modimo. Gomme Adama o be a swanetše go hlokomela na—na naga, go no swana le ge Moya wo Mokgethwa o swanetše go etella Kereke pele bjale. Gomme, efela, motho o be a se nameng, gomme o be a le bobedi bona gomme gape o be a le bosadi, gobane ke moya wa go swana.

¹¹⁴ Ka gona Modimo o hlotše motho go tšwa leroleng la lefase, le go mo dira ka sebopego sa phoofolo. Yeo, bjale re phoofolo, re a tseba. Ke rena—ke rena seamuši. Gomme yeo ke phoofolo ya madi a borutho, gomme re ka go seswantšho sela sa bophelo bja phoofolo.

¹¹⁵ Gomme ka gona Modimo o tšere kgopo go tšwa go Adama, e sego . . . Mosadi ke setšwa go monna, e sego tlwa ka go tlholo ya setlogo. O tšere kgopo. O arogantše mmele, gomme o tšere moyo

wa bosadi go tloga go Adama gomme a o bea ka go Efa. Fao go be go le monna le mosadi.

¹¹⁶ Gomme ge ba tšwela ka ntle ga mafelo ao, ba ka ntle ga seemo sa bona sa maleba. Fao go phapošo felotsoko. Ge mosadi a nyaka go ba bona, goba mo—goba mo—goba monna o nyaka go itshwara sesadi, go na le se sengwe sa phošo felotsoko. Ba ka ntle ga maemo a bona a maleba.

¹¹⁷ Re e lemoga ka go Rebeka le—le Isaka, go beng leloko la madi mong, le a bona, eupša bjale seo se be se swantšha peu ya tlhago ya Israele. Eupša, ka tumelo, Kriste o tla go lefelotiragalo, le le sego ka tlhagong.

¹¹⁸ Go swana le ge seka se be se le godimo, madi godimo ga kosene, tlase ka Egepeta. Ga go kgathale gore ba bolotše ga kaakang, ba be ba na le kgwerano ye kae, seka se be se swanetše go laetšwa goba kgwerano e be e fedišitšwe. Nnete. “Ge Ke bona madi, Ke tla feta bokagodimo ga lena.”

¹¹⁹ Bjale seka ga se Madi; ke Bophelo bjo bo bego bo le ka Mading, Moya wo Mokgethwa. Gomme yeo ke... Ga ke tshwenyege gore o wa bodumedi bjang; ntle le ge o amogetše Moya wo Mokgethwa, o tla senyega. Yeo ke tsela e nnoši. Ga go na Lengwalo le lengwe go dira e ka ba eng, feela leo le nnoši. “Le se ke la nyamiša Moya wo Mokgethwa wa Modimo wo le swailwego ka wona go fihla letšatši la topollo ya lena,” Baefeso 4:30.

¹²⁰ Hlokometlang bjale, re tla morago, gona seo se bontšha gore Adama le Efa ba be ba le batee, le go thoma. Monna le mosadi ba swanetše go fele ba sa le batee.

¹²¹ Bjale, eupša ge ba arogane, gona, ka nameng, e bile fao Efa a welego. O wele! Gobaneng? Go se dumele Lentšu, legato le lengwe le lengwe la Lona. Batho ba bangwe ba ka tšea karolo e tee ya Lentšu, eupša e segó ka moka. Lohle Le swanetše go ba fao. Le a bona? Le a bona? O nno belaela kgato e tee ya Lona. Gomme ge eba bolwetši bjhohle bjo le bothata bjo re bilego le bjona bjale bo tlide ka mosadi yo motee a belaela kgato e tee ya Lona, re ya go bušetša bjang morago e ka ba eng ntle le go Le dumela lohle, le go Le amogela lohle? Yeo e be e le ya bona... Ba be ba šireleditšwe ke Lentšu lela. Ge ba arogane, ka nameng, ba wele. O wele, ka Lentšu. O... Šetšang, o be a nyaka eng?

¹²² Feel a batho ba bantsi lehono, ba nyaka ye kaonana, tsela ya setaele, tsela ye bonolwana. Ga ba nyake go lebanya selo se se beilwego pele ga bona. Ge ba dira, ba bewa ka ntle ga mokgatlo wa bona, ba a rakwa, ba gopola gannyane.

¹²³ A ga le tsebe, gore, “Batho bohle ba tla bolela bobe ka lena, ka maaka, ka lebakala Ka. Hlalalang gomme le thakgaleng gagolo, gobane moputso wa lena ke wo mogolo Legodimong, ka gobane baprofeta ba ba bilego pele ga lena ba ba hlomere bjalo. Gomme bohle ba ba phelago bomodimo ka go Kriste Jesu ba tla tlaišega ka ditlhomaro.”

¹²⁴ Bjale ke eng gape re nyakago A e bolela? Mantšu a dikete re ka kgona, Mangwalo, ao a lebanego le seo, a tla kitima go tloga go Genesi go ya go Kutollo.

¹²⁵ Gore eng kapa eng re nago le yona lehono, e thomile ka go Genesi. Ke tema ya peu. Gosedumele gohle le se sengwe le se sengwe di thomile thwi fa. Kereke e thomile thwi fale. Se sengwe le se sengwe se thomile fale. Go bjalo ka ge merara ye mebedi e gola, gomme wo motee o ekiša wo mongwe, le go ya thwi godimo go nyakile go swana.

¹²⁶ Go swana le Moaba gape le Moshe. Fao go tlie Israele, ye nnyane, go se kerekela, go se setšhaba le gatee. Gomme ba bile le sehlabelo sa go swana fa ka Moaba; kerekela ye kaone, bahlomphegi bohole ba bona ba tšwela ntle, ba neetše sehlabelo sa go swana. Go leka go . . . Pišopo wa bona godimo fale, Bileama, o tlie tlase go rogaka seo Modimo a se šegofaditšego. Ba naganne, "Batho ba ba magwaragwara! Ebile ga ba ne legae la kerekela, bjalo ka ge go bile. Ba no ba baneneri gohle."

¹²⁷ Gomme O rile, "Eupša ba šitilwe go kwa kgoeletšo yela ya Kgoši ka kampeng. O šitilwe go bona phodišo Kgethwa yela e eya ka kua, ka sephente yela. Le Leswika le le iteilwego, go ba fa bophelo! Kgoeletšo ya Kgoši ka kampeng!"

¹²⁸ O šitilwe go bona Seo, pišopo yola wa go foufala. Eupša efela, motheong, o be a nno loka go swana le ge Moshe a bile; dialetara tše šupa, sehlabelo se šupa, ebile o neetše kgapa, e bolelago ka go tla ga Kriste.

¹²⁹ Eupša Modimo ga a nyake motho go Mo hlatholla. Yena ke mohlatholli wa Gagwe Mong. O dira tshepišo, ka gona O e tliša go phethega, gomme yeo ke tlathollo ya yona. Ga go yo motee a swanetšego go e hlatholla. Modimo ga a kgopele yo motee. "Beibele ga se ya tlathollo ya sephiri." Yo mongwe le yo mongwe o leka gore E ra se, sela. A nke Modimo a ipolelele ka Boyena. Yena ke Yena a e dirago. O dirile tshepišo; O ema ka morago ga yona. O a dira, go badumedi.

¹³⁰ Eupša basedumele ga ba amogele selo. Ga se ya bona. Ba hwile, sa mathomo. Ebile ga se nke ba emelwa. Ga se gona ka go bona. Ke magapi a go hwa. Ga o nyake go swana le leo.

"Tlatšwang ka Moya!"

¹³¹ Hlokamelang, O aragogantše Efa le Adama, gomme o wele. Adama o ile le yena. Bjale, "Adama ga se a forwa." Efa o forilwe. Eupša Adama, Adama wa pele, o be a le morwa wa Modimo le yena. Gomme o ile ka ntle ka baka la lerato la Efa, go leka go mo tliša morago, ka gore o be a mo rata.

¹³² Kriste o dirile selo sa go swana, go Mo lopollela morago. Go eng? Lentšu. Ke eng e hlotšego go wa? Lentšu, gosedumele Lentšu, Lentšu lohle. Gomme Kriste o tlie gore A be yo mongwe wa rena, Bophelo bja Gagwe ka go rena, go tšwetšapele Lentšu.

“Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena. Wa go swana maabane, lehono, le neng le neng.” Modimo wa go swana! Ke ka baka leo A tlidego, go dira seo.

¹³³ Bjale re a hwetša, ka go tiišetšo, go re lopollela morago go Yenamong, go lopolla bana ba go hlahlatha bao ba fapogilego ka mebušareng ye; le go tla morago go Lentšu gape, morago go Lentšu le le tsebagaditšwego!

¹³⁴ Bjale bona Bajuda, ge Jesu a tlide, ba kgonne go re, “Re na le Lentšu. Re na le Lentšu. Sese se Moshe a se boletšego. Re barutiwa ba Moshe.” Jesu, feela mengwaga ye lesomepedi ka bokgale, a phegišana le bona. Gomme ka gona ge... Le a bona, seo ke se motho a se dirago go Lona.

¹³⁵ Eupša Jesu o rile, “Ge Ke sa dire mediro ya Tate wa Ka, gona le se Ntumeleng. Ka gore, mediro ye Tate a Mphilego go e dira, e paka gore Ke nna Mang.”

¹³⁶ Mang? Motho e ka ba mang yoo a rometšwego ke Modimo, Modimo o paka go mediro yeo A mmeetšego go e dira. Ge e sa dire, Lengwalo ga le e thekge, e tlogele e nnoši.

¹³⁷ Ebile le ka go Testamente ya Kgale, ba bile le tsela ya go tseba ge eba e be e le therešo goba aowa. Ba ba tšeetše tlase, molori, goba—goba moprofeti, goba e ka ba mang a bilego, ba ba tšeetše tlase go Urim Thummim. Seo e be e le Seetša sa kagodimogatlhago.

¹³⁸ Modimo ka mehla ke wa kagodimogatlhago, o šoma ka go tša kagodimogatlhago. Ge feels go na le Modimo fale, go na le kagodimogatlhago, ge e le Jehofa Modimo.

¹³⁹ Gomme, ge, go sa kgathale toro e kwagala gabotse gakaakang, ge e se ya bonagatša godimo ga Urim Thummim yela, gona e be e fošagetše.

¹⁴⁰ Bjale boprista bja Arone bja kgale bo fedišitšwe, eupša go le bjalo re ne Urim Thummim. Ye ke kutollo ya Jesu Kriste, e Mo utolla ka go Lentšu le. Gomme se sengwe le se sengwe seo se lego kgahlanong le Lentšu leo ga se Modimo; kgahlanong le Lona. Eupša Modimo o ipolelala Yenamong. O itsebagatša Yenamong le Lentšu la Gagwe.

Fao ke mo Jesu a fentšego Sathane. “Go ngwadilwe...”

¹⁴¹ Ka gona mo go tla Sathane morago, gomme a phuphusela ka gare gape. O rile, “Ee, gape go ngwadilwe...” Eupša nako yeo, ge a etla, o bethile bo—bo bolete ye boima. Nako yeo e ile ya tlabola diphego tša gagwe. O ile a taboga go tloga fao, nako yeo.

¹⁴² O rile, “Go ngwadilwe, ‘Motho a ka se phele ka borotho bo nnoši, eupša ka Lentšu le lengwe le le lengwe le tšwelego molomong wa Modimo.’ Tloga morago ga Ka, Sathane!” Le a bona?

¹⁴³ Elang hloko se se diregilego. Modimo ka mehla o itsebagaditše ka Boyena ka Lentšu la Gagwe le le tshephišitšwego. Bjale ge bona Bafarisei ba be ba lebeletše thwi morago, Moshe o rile, “Morena Modimo wa lena o tla tsoša Moprefeta wa go swana le nna.” Seo se be se le ka Lengwalong.

¹⁴⁴ Eupša ga go makatše Jesu o lebogile Tate, o rile, “Ke a Go leboga, Tate, Wena o fihlile Se go mahlo a ba bohlale le ba tlhaologanyo, wa Se utolla go masea ao a tla ithutago.”

¹⁴⁵ Ge A rile go Petro ka letšatši leo, ge ba etla fase. Ge A rile, “Batho ba re Nna Morwa wa motho ke mang?”

¹⁴⁶ “Yo motee wa bona o rile Wena o ‘Eliase,’ gomme yo motee o rile Wena o ‘Moshe,’ le go ya pele.”

O rile, “Eupša yeo ga se potšišo. Ke le botšišitše.”

O rile, “Wena o Kriste, Morwa wa Modimo yo a phelago.”

¹⁴⁷ O rile, “O wa lehlogenolo wena Simone, morwa wa Jona, nama le madi ga se nke tša utolla se go wena. Ga se o tsoge wa ithuta yona ka seminaring, ga go yo a go rutilego yona, eupša ke kutollo.” Oo, nna! “Godimo ga leswika le Ke tla aga Kereke ya Ka, gomme dikgoro tša hele di ka se kgone go fenza kgahlanong le Yona,” kutollo, goba boitsebišo bja Jesu Kriste.

O rile, “Ge Ke sa dire mediro ya Tate wa Ka, se Ntumeleng.”

¹⁴⁸ Bjale a re yeng leeto pele. Re a Mo hwetša . . . Bjale a re yeng go tema ya 17. Re Mo hwetša fa ka go tema ya 17, moo A bonagetšego go Abraham ka morago ga tiišetšo ya se, go bontšha se A bego a eya go se dira.

¹⁴⁹ Gomme bjale, elelwang, Moya o tla godimo . . . Gomme Moya wo o lego ka Kerekeng, Kereke ya kgonthé, Kereke ya thereso, Kereke ya Modimo, batho ba Modimo; Moya wo o lego ka go bona, o godimo, Moya wa go swana o godimo ga Kriste, ka tshepišo, “Mediro ye Ke e dirago le tla e dira le lena.”

¹⁵⁰ Elelwang, nako ye nngwe ka papolong, feela pele ga yona, ba beile lenkgeretla go dikologa sefahilego sa Gagwe, le go Mo itia hlogong, ka lehlaka, ba rile, “Bjale ge O le Morwa wa Modimo, ke . . . O—O moprofeta, ba a mpotša. Profeta, moprofeta!” Ba neelane lepara, “Re botše ke mang a Go bethilego.” Le bona diabolo yola? Le a bona?

¹⁵¹ O rile, “Ke a kwešiša gore O modira mohlolo yo mogolo. Fetola matlapa a go ba borotho. A nke ke Go bone o e dira. Ke tla—ke tla—ke tla Go dumela ge O ka e dira ka mokgwa woo, fetolela matlapa go ba borotho. Ke tla dumela. Ke tla e dira.”

¹⁵² Monna o mpoditše e sego telele go fetile, o rile, “Ge o ka kgona go tšweletša motho yo motee yo a fodišitšwego, ka setatamente sa ngaka!”

¹⁵³ Ke rile, “Oo, kgaogelo, motho, homola. Mmaloo!” Ke rile, “Ke tla tliša dingaka ka makgolo.”

O rile, “Ke na le ditolara tše sekete di go letile, ge o dira.”

¹⁵⁴ Gomme ke tlišitše dingaka, ka ditaba. O rile, “Gabotse, tšelete e ka go . . .”

¹⁵⁵ Ke rile, “Ke nyaka tšelete yela bakeng sa moneelo wa boromiwa.” Gomme o rile . . . “Romela yo mongwe yo a dumelago Ebangedi, mošwamawatle.”

¹⁵⁶ O rile, “Gabotse, a nke ke tšeet mosetsana yo monnyane, gomme nna le baena ba ka re eme tikologong, gomme re tla ripa seatla sa gagwe, gomme ka gona o a se fodiša thwi mo pele ga rena, gomme re tla go dumela.”

¹⁵⁷ Ke rile, “O hloka phodišo ya monagano.” Yeo ke nnete tlwa. Motho yo a swerwego ke diabolo kudu!

¹⁵⁸ Yena wa go swana o rile, “Ge O le Morwa wa Modimo, ge O le, fologa sefapanong.” Oo, ge yona Beibele e rile O be a swanetše go lekelela godimo ga sefapano!

¹⁵⁹ Kayafa o rile, “O phološitše ba bangwe; Yenamong ga A kgone go iphološa.” A sa tsebe gore e, eupša theto ye kgolokgolo e kilego ya fiwa Yena. Ge A iphološitše Yenamong, O be a ka se kgone go phološa ba bangwe. O ile a swanelo go ipha Yenamong.

¹⁶⁰ Nnete, O tsebile ke mang a Mo iteilego, eupša ga A direle diabolo motlae. Modimo ga se rametlae. Ga A direle diabolo motlae. Mediro ya Gagwe e romelwa go bao ba dumelago, e sego go dirwa metlae ka yona.

¹⁶¹ Hlokamelang, O tšeletše go yena fa ge a be a le bogolo bja mengwaga ye masomesenyane le senyane, gomme O tšeletše go yena ka leina la Ramaatlakamoka Modimo. Leina fale, ka go Sehebere, ke *El Shaddai*.

¹⁶² Bjale, Modimo o na le mainagokwa a šupago, maina a topollo. Re tseba seo. Gomme o ka se kgone go a aroganya go tloga go Kriste. O ka se kgone go a aroganya. Kriste o kopane le le lengwe le lengwe la ao magokwa, maina a topollo. Le dumela seo? [Phuthego e re, “Amene.”—Mor.] Yena, a le a dumela Yena ke Jehofa-Jireh, “sehlabelo se se filwego sa Morena”? [“Amene.”] Gona go reng ka *Jehofa-Rapha*, “Morena o fodiša malwetši a gago ohle”? [“Amene.”] Gomme ge seo se sa dirišwa go Kriste, gona O be a se Jehofa-Jireh. Kafao o ka se kgone go a aroganya, selo ka moka se tatagane, gomme ke lena bao. A ka se kgone go ba *Jehofa-Rapha* ntle le go ba *Jehofa-Jireh*, ebile A ka se kgone go ba *Jehofa-Jireh* ntle le go ba *Jehofa-Rapha*. “O gobaditše bakeng sa dikarogo tša rena, ka megogoma ya Gagwe re fodišitše.” Ga go na ngangišano ka Yeo.

¹⁶³ Bjale re hwetša fa, O tšeletela ka leina la *El Shaddai*, “Ramaatlakamoka.” Le . . . Ka kgonthe, lentšu, lentšu la Sehebere le tla *shad*, s-h-a-d, ba bangwe ba le bitša “shade.” *Shad* e ra “letswele,” boka letswele la mosadi. Gomme O tšeletše go yena ka leina la *El Shaddai*, ye e lego ka bontši,

matswele. “Ke nna Modimo wa Matswele. Abraham, bogolo bja mengwaga ye masomesenyane senyane, sepela pele ga Ka! Phethagala, dumela Lentšu la Ka! Nno tšwelapele o dumela! Ke tshepišitše, ka masomešupa tlhano; yona še, e bile—bile mengwaga ye masomepedi nne bjale ge e sa le ke go diretše tshepišo.” Gomme a—a khomotšo e swanetšego go ba e bile go mokgalabje, bogolo bja mengwaga ye masomesenyane senyane. Gomme maatla a gagwe ohle a ile, gomme mo Modimo o eme pele ga gagwe, a re, “Ke nna El Shaddai. Ke nna Modimo wa Matswele.” Amene. “Goga maatla a gago go tšwa go Nna. Ke nna maatla a gago.”

¹⁶⁴ Go swana le, go swana le Testamente ye Mpsha le ya Kgale, Modimo wa Matswele. “Ke nna Modimo wa Matswele, goga maatla a gago go tšwa go Nna.”

¹⁶⁵ Boka lesea le lennyane ge le babja, le tshwenyega; le a babja, le a fokola, le itshamile godimo ga letswele la mmago lona le go fepa maatla a gagwe morago go tšwa go mme. Ka mantšu a mangwe, “Abraham, ga o selo eupša lesea go Nna.” Bogolo bja mengwaga ye masomesenyane senyane, go be go se nako, bophelo bja gagwe.

¹⁶⁶ E nong go elelwa, Jesu o batpotšwe, go swana le maabane. Sekete se tee sa mengwaga lefaseng—lefaseng, e no ba letšatsi le tee le Modimo. Le a bona, feela boka A batpotšwe maabane.

¹⁶⁷ Gomme hlokamelang, “Ke nna El Shaddai. Wena o yo monnyane, lesea la go fokola. Eupša ithekge godimo ga sehuba sa Ka, tshepišo ya Ka, gomme o anywe go tloga go Nna maatla a gago. Ke nna mohlodi yoo a lekeleditšego magodimo le lefase, a beilego dinaledi ntlo mošola. A e ka ba eng se segolo kudu go Modimo? Ke nna El Shaddai, gomme o ngwana wa Ka. Le ge o fokola, gomme ke go tlologla o ye ka tsela yeo go no bona se o tla se dirago ka yona. Ke ya go dira mohlala go batho ka morago ga fa, gore motho o tla dumela Lentšu la Ka. Ke tla ema hleng le Lona. Ga go kgathale se e se tšeago, botelele gakaakang, ke tla e dira. Ke tla ema hleng le Lona. El Shaddai! Goga maatla a gago go tšwa go Nna.”

Oo, o re, “Ge nka kgona go dumela . . .”

¹⁶⁸ O sa le El Shaddai. O sa le Modimo wa Matswele, Testamente ye Mpsha le ya Kgale. E no goga maatla a gago go tšwa go Lona, oo, se sengwe le se sengwe o se hlokago. Lesea, ga a na thušo, o swanetše go goga maatla a gagwe go tšwa go mmagwe; yeo ke tsela e nnoši a ka hwetšago maatla a gagwe. Yeo ke tsela e nnoši modumedi a ka hwetšago maatla a gagwe, ke go a goga go tšwa go Lentšu la Modimo. Ao ke maatla a gagwe, ditshepišo tša Modimo go yena. Ema kgauswi gomme o Le dumele!

¹⁶⁹ Gomme ga se feela lesea le lennyane fa le emetšwego ge le babja, le tshwenyega, mme a ka kgona go le bea letsweleng la

gagwe—la gagwe, gomme o ya go fepa maatla a lona morago; le kgotsofetše mola le anywa.

¹⁷⁰ Yeo ke tsela ka ngwana wa kgonthe wa Modimo. Ga go kgathale se basodi ba se bolelago, e ka ba eng le e dumelago. Ge ka therešo o Le dumela, Jesu a ka se kgone go aketša. O kgotsofetše gore Le utolotšwe go wena. O na le tshepišo, gomme ga go selo se yago go e thibela. “Godimo ga leswika le Ke aga Kereke ya Ka,” le a bona, la semoya, Lentšu le le utolotšwego la Therešo.

¹⁷¹ Ge o sa letile, go khutša ka tumelong ya gago, tšeа tshepišo ya Modimo. “Ke a Go dumela, Morena. O tshepišitše go mpha kolobetšo ya Moya. Ke khutšitše ka go ya Gago...ka tumelo. Tumelo ya ka ye ke nago le yona ka go Wena, ke goga go tšwa go mothopo wa ka, bakeng sa mothopo wa ka, go tšwa—go tšwa...bakeng sa go phelega ga ka, go tšwa go mothopo wa Gago, Lentšu.

¹⁷² “Motho a ka se phele ka borotho feela, eupša go tšwa sehubeng sa Modimo o tla mo fepa ka maatla a gagwe.” Lentšu le lengwe le le lengwe le le tšwelego molomong wa Modimo, o tla amogela maatla a gagwe ge A etla go tšwa mo—mo molomong wa Modimo, Lentšu.

¹⁷³ Go swana le Abraham, Abraham o be a khutšitše. Bjale o be a phetše le Sarah go tloga a sa le mo—mo mosetsana yo monnyane. E be e le kgaetšedi wa gagwe wa seripa, gomme o be a dula le yena gomme a mo nyetše. Gomme, o, o bile... O be a le moopa. O be a se ne bana. Gomme šo yena bjale, o šetše...ge a le masomesenyane...masomesenyane senyane. O masomeseswai senyane, masomeseswai senyane a mengwaga ka bokgale. “Eupša, Abraham, khutša ka tumelong ya Lentšu la Ka. Ke tla go tshepiša, Ke tla e dira. Ke nna El Shaddai. Ke nna Modimo wa Matswele bakeng sa bana ba Ka bao ba dumelago.” Ge o sa nyake go anywa, gabotse, gona se bolele gape ka yona, le a bona. Eupša ge o le ngwana, o a anywa, o khutšitše, tshepišo ye nngwe le ye nngwe!

¹⁷⁴ Hlokamelang, tumelo ya kgonthe e khutša godimo ga leswika le le kgwahlilego la tshepišo ya Lentšu la Modimo. Ga e šuthe. Tumelo ya kgonthe e kgwapareditše.

¹⁷⁵ Boka ka go naledi ya leboa, naledi ya leboa ke kota ya go tlemelela go sekepe se sengwe le se sengwe, khamphase e mo šupetša feela go naledi yela ya leboa. Gomme Modimo, Lentšu, ke naledi ya leboa ya Mokriste yo mongwe le yo mongwe, ge o lahlegile, gomme Moya wo Mokgethwa ke wona o go šupetšago go Lona. O ka se šupe go selo gape. Diism tšohle tše dingwe, le go ya pele, le—le Bokriste bo tswakane ka go yona, e ka ba eng e ka bago; go swana le lefase, le a šutha, le fetola dinaledi tšeо, eupša le ka se kgone go fetola naledi ya lebowa. Le ge e ka ba

eng e ka se kgone go fetola Lentšu la Modimo. Kgwaparetša go Lona, dula le Lona!

¹⁷⁶ Bjale, tumelo ya kgonthe ga e šuthišwe ke dithutotumelo le dithuto tša madirwakemotho, le gosedumele. E dula thwi le Lentšu, tumelo ya kgonthe ka go Lentšu.

¹⁷⁷ Gomme o ka kgona kae go Bea tumelo ya gago go e ka ba eng gape eupša Lentšu? Ge Modimo a le boletše, swara monwana wa gago go Lona, Yeo ke therešo. Ga e šuthe. E goga go tšwa go Puku ya Modimo ya matswele, Beibebe, ditholanakgopolو tša Gagwe—tša Gagwe, tše A di tshepišitšego. Se A se tshepišitšego, leo ke Lentšu la Gagwe. Lentšu le itšweletša Lonamong. E swanetše go ba kgopolو pele ga Lentšu, morago Lentšu; morago Lentšu le a bonagatšwa, gomme fao ke mo o gogago maatla a gago—a gago go tšwa gona. O dumela! O dumela! Gobane Mohlodi . . . O dumela, boka A bile, Mohlodi yoo a dirilego lefase.

¹⁷⁸ Testamente ye Mpsha e rile, morago mo, “Bjalo ka ge Moshe a phagamišeditše sephente godimo ka lešokeng, kafao Morwa wa motho o swanetše go phagamišetšwa godimo.” Morero wa go swana. E be e le eng? Ba be ba kamaka Modimo, gomme bolwetsi le bothata bo tsene ka gare. Gomme o phagamišitše sephente. Bakeng sa eng? Bakeng sa pholo ya bona le bakeng sa tebalelo ya bona. Seo ke se se bego se le. Gomme mphiri o emela kahlolo Kgethwa; gomme Jesu o be a le sephente yela e ahlotšwego, ka nnete, lereo la mphiri.

¹⁷⁹ Bjale, morago ga ge A tiišeditše kgwerano, goba kgwerano e dirilwe go bonagatšwa go yena, e fa tumelo go barwa ba therešo ba Modimo. Lentšu le fa tumelo, Yena wa Matswele. E—e dira se sengwe go bona ge le—le Lentšu, goba ge kgwerano e dirwa go bonagala, e fa tumelo go barwa ba therešo ba Modimo.

¹⁸⁰ Bjale re a tseba, re lemoga gore, ka go se, O be a bitšwa Elohim. Lentšu gape, ka go phetolelo mo, le ra “Elohim.” E no le lebelela, eba le nnete. Elohim! Gomme *Elohim* ke “Molekanel-Gohle.” Yena ke El Shaddai, Elohim, Modimo wa Matswele, Yena Molekanel-Gohle. Yena ga a nyake selo go tšwa go yo mongwe gape. Yena ke go lekanela gohle ga gago.

¹⁸¹ Hlokamelang, sa go swana se pakiba fa, ke be ke hlokometše morago ga sekglela se ge ke be ke ithuta, ka go Jobo, Jobo. O bitšwa “Elohim.” Gomme Jobo o ile a nyefolwa, a dirwa metlae; ka fao, a seswantšho lehono. Eupša Jobo o be a khutšitše ka go tshepišo ya Elohim, “Le ge diboko tša letlalo di ka senya mmele wo, efela ka nameng ya ka ke tla bona Modimo, yo ke tla mmonago nnamong.” Go khutša ka go Elohim, ga go kgathale se se tlago.

¹⁸² Mosadimogatša wa gagwe o a tla, o rile, “O bonala o šulafetše, Jobo.” Gomme mo go tla bahomotši ba gagwe go dikologa, “Oo, o bona se se diregilego go wena, mošemané wa kgale? Ke go boditše o be o le phošo, nako yohle. O bona se se

diregilego?" Batho ba bantši ba rata go lahlela kgole godimo ga batho ka mokgwa woo.

¹⁸³ Jobo o be a le monna yo mokaonekaone wa letšatši la gagwe. Monna yo mokaonekaone Modimo a bilego le yena lefaseng e be a le Jobo. O boditše Sathane, "Ga go yo a swanago le yena." Amene. "A o mo šeditše?"

¹⁸⁴ Sathane o rile, "Ee, se sengwe le se sengwe se tla bonolo go yena. Thuba legora lela gomme o ntire ke be le yena. Ke tla mo dira a Go roge mo sefahlegong sa Gago." O dirile se sengwe le se sengwe a kgonnego, eupša ga se a kgora.

Jobo o khutšitše ka go tshepišo yela.

¹⁸⁵ Mathaka a tlie kgauswi, gomme ba rile, "Bjale, bjale di kae tšohle tše Modimo o bego o bolela ka tšona? Uh-huh, lebelela se, o—o Mo dumela go ba se, lebelela—lebelela se se diregago bjale."

¹⁸⁶ Eupša o be a sa khutšitše ka go El Shaddai, ebile go sa tshwenyege ge dišo tša gagwe di be di mo roba gomme bophelo bja gagwe bo be bo lokile bjalo ka ge bo sepetše. O be a dutše sethobolong sa molora, a ngwaya dišo tša gagwe.

Mosadi wa gagwe o rile, "Wena... Gobaneng o sa roge Modimo gomme wa hwa?"

O rile, "Wena o bolela boka mosadi wa lešilo." Oo, nna!

¹⁸⁷ "Morena o file, gomme Morena o tšere, a go šegofatšwe Leina la Morena. Ke tshepela go Elohim. Le ge A senya mmele wo, diboko tša letlalo di o ja, efela ka nameng ya ka ke tla bona Modimo, yo ke tla mmonago nnamong; mahlo a ka a tla bona gomme e sego yo mongwe." O tlie pele, ka go Mateo 27, ge bakgethwa ba tsogile, ba tlie ntle le go tsena ka gare, eupša kudu... ba tsene ka toropongkgolo. Sona sekai sa lehono, efela ba letile, ba tshepela go tshepišo.

¹⁸⁸ Hlokamelang ka morago ga ge A tšweletše ka Leina le, Leina la Modimo Ramaatlakamoka.

¹⁸⁹ Bjale, kereke, bjale re ka no hwetša feela nthatana ye nnyane ya thuto fa, e ka no ba go phetlega gannyane go lena. Ge o sa e dumele, seo se tšwa go wena. Re no ba mo, ke ya go no bolela se ke se naganago. O na le tokelo go nagana se o nyakago go se nagana.

¹⁹⁰ Eupša, hlokamelang, eupša dilo tšohle tše e be e le "dikai, meriti, le mehlala," bjalo ka ge Beibele e boletše gore di be di le. Ke tšona bohole tše. Gomme se ke, Modimo o mekamekana le Abraham mo leetong, feela boka A tla mekamekana le Peu ya bogoši ya Abraham mo leetong. Hlokamelang, O mekamekana le Bajuda ka tsela ya go swana. Yohle e thomile ka kua, ka go tshepišo yela ya kgwerano; ditšhaba tšohle, batho bohile.

¹⁹¹ Hlokamelang ka morago ga go tšwelela ka Leina le la Modimo Ramaatlakamoka. Gomme go utollotšwe go yena gore

O be a le Yena Molekanelo-Gohle. O be a se ne bathuši; O be a sa hloke e ka ba ofe, bangwaledi e ka ba bafe. O be a le noši, Modimo. O be a le Modimo, a nnoši. Gomme O tšweletše go Abraham ka Leina le, gomme ge A tšweletše go yena ka Leina le, gomme Abraham o lemogile O be a le Mang, O fetotše leina la Abraham. Bjale o tlie go botlalo bja go dumela bjale. Le bona moo Kereke e tlidego? Ke a holofela le ka bala gare ga methaladi. Go tla godimo go lefelo moo A utolotšego go yena Yo A bego a le, gomme ka gona O fetotše leina la Abraham gore tshepišo e kgone go phethagatšwa.

Bjale le re, “Ga go selo ka go leina.”

¹⁹² Gona gobaneng A fetotše leina la Abraham go tloga go Abram go ya go Abraham? Gobaneng A fetotše leina la Jakobo go tloga go *Jakobo*, “mofori,” go ya go *Israele*, “mokgoma le Modimo”? Gobaneng A fetotše leina la Saulo go ya go Paulo? Kgonthé, leina la gagwe, ka kgonthé, ka kgonthé le ra se sengwe. Ka nnete o a dira. Ge o se wa rerelwa gabotse, Modimo o tla le fetola, ge A go biditše. Ee, mohlomphegi.

¹⁹³ Hlokamelang, O fetotše leina la gagwe mo bjale, go tloga go Abram go ya go *Abraham*, le rago, “tatago ditšhaba,” o okeditše h-a-m, Abraham. Kafao O dirile se gore tshepišo ye e feletšego e kgone go phethagatšwa. Gomme morwa bjale, yo a bego a tshepišitšwe botelele kudu, a ka kgona go bonwa, goba, ka mokgwa wo mongwe, a utollwa, ge A fetotše leina la gagwe gomme morago ga ge a lemogile O be a le Mang. A ka no ba a be, a ka no ba a naganne go be go le phathi ya bona; eupša o lemogile gore O be a le Elohim, Modimo a nnoši. Eupša, ge a dirile seo, nako yeo O fetotše leina la gagwe. O rile, “Bjale, Abraham, ga o sa bitšwa Abram, eupša *Abraham*, bakeng sa, ‘tatago ditšhaba,’ Ke go dirile.” Abraham, bjale, o ka seemong bjale. O ka seemong ka morago ga kutollo ya gore Yena ke Mang. Bjale o ka seemong go bona morwa a utollwa.

¹⁹⁴ Morwa o loketše go tla, go utollwa. Oo, bana ba Abraham!

¹⁹⁵ Hlokamelang, O fetotše leina la motseta wa Gagwe, thwi mo nakong ya bofelo. Feela ka, o be a le masomesenyane senyane, ke ngwaga o tee o šetšego, gomme O fetotše leina la gagwe go tloga go Abram go ya go Abraham. O fetola leina la gagwe, o okeditše h-a-m, e rago “tate.” O be a swanetše go ba tate, tatago tshepišo; tate, tshepišo.

¹⁹⁶ Oo, ge o na le go hlatha ga semoya, theetsa! Ka morago ga kutollo ya Leina la Gagwe, ya Yo A bego a le, O fetotše leina la gagwe. Bjale ka morago ga kutollo, bjale O rathile lefase, “ga go ne sehlopha sa Badimo; go ne yo Motee,” bjale ke nako bakeng sa kutollo ya Morwa yo a tshepišitšwego go utollwa go Peu ya bogosi ya Abraham, wa tshepišo.

¹⁹⁷ Lebelelang, O e fetotše go tloga go Wesley, Baptist, Presbyterian, Pentecostal. Ga ke tsebe ge eba go bolela se goba

aowa. Ga la swanelo go se dumela. Eupša ke a holofela le a ntshwarela, gobane ga ke nyake go le gobatša.

¹⁹⁸ Eupša, lebelelang, ga se gwa ke gwa tsoge gwa ba motseta go dikereke tša—tša Modimo, go kgabola ntle histori yohle ya nako, ye e kilego ya ba le moetapele, ge e sa le dimpshafatšo, boka moetapele re nago le yena lehono, Billy Graham, nnete, gobane o ile lefaseng lohle. Le a bona? Gomme, hlokamelang, ga se nke ra ba le monna, mompshafatši e ka ba ofe... Re tše Sankey, Moody, Finney, Calvin, Knox, mang kapa mang e ka bago yena, Wesley, Luther, fao ga se gwa ke gwa ba yo motee wa leina le le felelago h-a-m, pele. Motseta a nnoši re kilego ra ba le yena ka go mabaka a kereke, ka leina la go felela ka h-a-m; G-r-a-h-a-m, Graham.

¹⁹⁹ Gomme Graham ke maletere a tshela, gomme tshela ke nomoro ya motho, letšatši la motho; motho o hlotšwe, ka go—ka go Genesi 1:26, ka letšatši la boselela. Eupša šupa ke nomoro ya Modimo; letšatši la bošupa, Modimo o khutšitše. E sego tshela, go bontšha G-r-a-h-a-m o tla ba go kereke yeo e lego ka lefaseng; eupša, A-b-r-a-h-a-m, Abraham ke maletere a šupago.

²⁰⁰ O re, “Ga go selo ka go dinomoro.” Gona ga o tsebe dipalo tša Beibele ya gago. Le a bona? O na le nnete go E hwetša ka go fošagala bjale. Nnete.

²⁰¹ Modimo o “phethagetše” ka go *ya tharo*, gomme “o rapelwa” ka go *ya šupa*, gomme “o lekilwe” ka go *ya masomenne*, le “megobo” ka go *ya masometlhano*, oo, e ka ba eng o nyakago go e dira. Palontshetshere yohle, Beibele e kitima ka dipalontshetshere.

²⁰² Hlokamelang, ya boselela ke motseta wa go romelwa lefaseng. Gomme, hlokamelang, ya bošupa ke nomoro ya Modimo.

²⁰³ Gomme hlokamelang ka go nako ye ya go tšwelela bjale, goba go utollwa ga Morwa. Ge... E ya go utollwa, Morwa. Ba šetše ba lemogile Leina la Gagwe, ba tsebile O be a le Mang. Yena ke El Shaddai, Ramaatlakamoka, Elohim. Eupša bjale re tla tlase go nako ya Morwa yo a tshephišitšwego ke wa go ikutolla Yenamong. Morwa, Isaka Yenamong yoo a tshepišitšwego, o komana go tla go lefelotiragalo.

²⁰⁴ Gomme O be a ka se kgone go e dira go fihla A rometše le go fetola leina la gagwe go tloga go Abram go ya go Abraham, gobane, “tatago ditšhaba, o be a le.” Hlokamelang, -ham, h-a-m, “tate, tatago ditšhaba.”

²⁰⁵ Lebelelang ka fao go swanelago ka Maleaki 4, “Go bušetša Tumelo, morago go botate,” Peu ya Abraham e bušetšwa morago go mohuta wa Tumelo ye tate Abraham a bilego le yona, Peu ya gagwe ya bogoši. Maleaki 4 go phethagatšwa, ke go bušetša morago Tumelo ye e kilego ya ba morago kua mathomong, go E bušetša morago go Peu ya bogoši ya Abraham. Ke tshepišo. Ke tshepišo tlwa. Peu ya Bogoši e swanetše go utollwa, gomme

ka . . . ka Peu ya Bogoši, e lego Peu ya Bogoši, ya Kriste. Kriste ke Peu ya Bogoši. Gomme Peu ke Moya wo Mokgethwa wo o lego ka dipelong tša batho ba ba dumelago go Modimo, ba ba swerego Lentšu la Gagwe, gomme Modimo a šoma ka bona, ba rwele Molaetša wa go swana. “Lebakana le lennyane gomme lefase ga le sa Mpona gape, efela lena le tla Mpona; Ke tla ba le lena, ebile ka go lena. Gomme mediro ye Ke e dirago, le tla e dira le lena.” Le a bona, go e utolla ka matšatšing a mafelelo mo, ka fao e swanetšego go tla.

²⁰⁶ Bjale, šetšang tema ya 18 bjale. Ka pela ka morago ga leina le le fetotšwego, Modimo o a tšwelela, go ikutolla Yenamong ka nameng. Ka morago ga ge Leina le dirilwe go tsebja, ke Yena Mang, Modimo o tšwelela nameng. Abraham, letšatši le lengwe la go fiša, feela dibeke di se kae goba dikgwedi pele Sodoma e tšhungwa gomme Isaka a etla go lefelotiragalo. Gomme, hlokamelang, Abraham o dutše ntle ka tlase ga mouuko wa gagwe.

²⁰⁷ Gomme Loto o tlase ka Sodoma, gomme ba ipshina ka mathabو a lefase. Efela, ke Modiša Loto, go molaleng o be a na le phuthego ye nnyane ye botse tlase kua. E ka ba eng a e dirilego, Beibele e rile, “Bobe le dibe tša—tša nako di tlaišitše soulo ya gagwe ya go loka.” Kafao o swanetše go be a bile le bontši boka boLoto ba sebjalebjale lehono, eupša o tsebile o be a ka se bolele selo ka yona. Kafao gona hlokamelang, o be a le fao.

²⁰⁸ Eupša Abraham, ka morago ga ge A utolotšwe go yena, bjale, Elohim e be e le Yo a bego a bolela le yena. Bjale o dutše ka tlase ga mouuko, gomme fa go tla monna ba bararo, a sepela boka batho. Šetšang khuetšo ya kutollo, ya gore Modimo o be a le Mang, e bilego godimo ga Abraham, se e se dirilego go yena. Ka morago ga ge leina la gagwe le fetotšwe go tloga go Abram go ya go Abraham, o bone Monna ba bararo ba etla, gomme o biditse ba bararo, yo Motee, “Morena wa ka.” Ba bararo ba bona, go beng yo Motee. E sego bjalo ka nomoro tshela, Loto; o bone ba babedi ba etla, gomme o rile, “barena ba ka.” Pono ya Abraham le kutollo di mmontšitše gore O be a le Molekanelo-Gohle Elohim. Peu ya Gagwe e swanela go amogela selo sa go swana.

²⁰⁹ Hlokamelang ka fao A ikutolotšego Yenamong, ka fao A itirilego Yenamong go tsebja, ge eba o be a nepile goba aowa. Hlokamelang, go go dumela ga therešo, leswao le A le dirilego. O diregile eng, go mo dira gore a tsebe gore yoo e be e le Elohim?

²¹⁰ Bjale, o rile, “Morena wa ka.” Ke tlhakakgolo M-o-r-e-n-a. Moithuti e ka ba mang, le a e tseba; moithuti e ka ba mang o a tseba gore ke Elohim, Yena Molekanelo-Gohle, Elohim.

Monna o rile go nna, nako ye nngwe, “Ga o dumele gore yoo e be e le Modimo?”

²¹¹ Ke rile, “Ka kgontha ke a dira. Abraham o rile E be e le Modimo. O boletše le Yena; o swanetše go tseba.” Ya.

²¹² “Oo,” o rile, “o ra Modimo a eme fale a eja nama yela ya namane yela, le—le go nwa maswi go tšwa kgomong, le go ja borotho bja lehea, e ka ba eng le nyakago go bo bitša fale?”

²¹³ Ke rile, “O e dirile. Gobaneng, o no se tsebe Modimo wa rena.” Gabotse, nna, O kgonne feela . . . Gobaneng, O no obeletša godimo . . .

²¹⁴ Re dirilwe ka dielemente tše lesometshela; petroleamo, seetša sa khosmiki, le photoše, le khalesiamo, le go ya pele, feela dielemente tše lesometshela. O nno e swara mmogo, le go hemela ka go yona, le go sepelela tlase ka lefaseng. Ke thakgetše kudu Ke mohuta wola wa Tate. Le ge diboko tša letlalo di senya mmele wo, efela O tla go bitša. O tshepišitše gore O tla e dira. Yena ke Elohim. O kabotše lehupa le lengwe, gomme o rile, “Esla mo, Kgalako,” goba e ka ba eng e bego e le, Barongwa, “gomme a tla fase. A re yeng tlase le go lebelela Sodoma, re boneng se se diregago.”

²¹⁵ Gomme Abraham, ka morago ga kutollo, o e bone gomme o tsebile gore go be go le Modimo yo motee. Gomme o e bone, gomme o rile, “Morena wa ka, etla ka thoko, dula fase, a nke ke hlapiše maoto a Gago.” Bjale, ga se nke a re, “morena . . .” Gomme, šetšang, ke ka go—ke ka go tlhakakgolo fale. Mang kapa mang o a e tseba. Ke na le Emphatic Daiglott. Le a bona, ke tlhakakgolo M-o-r-e-n-a, “Morena,” Elohim, Yena Molekanel-Gohle. O rile, “A nke ke tsee meetse a mannyane gomme ke hlatswe maoto a Gago, gomme ke Go fe lerathana la borotho, morago O ka kgona go ya tseleng ya Gago.”

²¹⁶ E re, ke ba thari kudu fa. Bokaonana ke hlaganele. Ke—ke nyaka go ya godimo fa, gomme ga ke tsebe ke ya go kgona neng. Enong go nkgotlelela feela boteletšana gannyane, a le ka dira? [Phuthego e re, “Amene.”—Mor.]

²¹⁷ Hlokamelang, Elohim, Yena Molekanel-Gohle, Modimo. Gomme O rile . . . Hlokamelang se A se dirilego.

²¹⁸ Bjale, ba babedi ba Bona ba thoma, ba tšwetšepele ba lebeletše tlase go leba—go leba Sodoma.

²¹⁹ Gomme O rile, “A o nagana Ke tla lobela Abraham sephiri se?” Ga A dire selo go fihla A se utolla go baprofeta ba Gagwe. Le a bona, O ba dira ba se tsebe. Gomme O rile, “Ga ke ye go loba se, go boneng o—o šegofaditše ke Modimo gomme o ya go tšeal lefase ya ba bohwa, le go ya pele. Peu ya gagwe e ya go ba, ka mokgwa wo mongwe, e ya go ba tatago ditšhaba tše ntši. Nka se mo lobele sona. Ke ya go mo dira a tsebe.” Gomme kafao O rile, a thoma go utolla go yena.

²²⁰ Gomme O rile, “Abraham,” e sego Abram. “Abraham, mosadimogatša wa gago o kae, S-a-r-a-h?” O tsebile seo bjang? Gabotse, feela letšatši pele ga fao, o be a le Abram, letšatši goba a mabedi pele ga fao. Gomme yena o be a le Sarai, gomme bjale ke

Sarah. Gomme ke Abraham. O rile, “Abraham, mosadimogatša wa gago o kae, Sarah?”

Abraham o rile, “O ka tenteng, ka morago ga Gago.”

²²¹ O rile, “Ke ya go go etela go ya ka nako ya bophelo. Gomme morwa yo yoo a tshepišitšwego, o komana go tla go lefelotiragalo bjale. O ya go ba le lona.”

²²² Gomme Sarah, go yenamong, mohuta wa go sega, o rile, “Nna ke tšofetše, gomme ke be le boipshino le morena wa ka gape, gomme yena a tšofetše?” Se sengwe boka seo, kafao, gobane o be a le—o be a le masomesenyane, gomme o be a le lekgolo. “Gomme kafao bjale nka kgona go dira seo gape?”

²²³ Gomme Morongwa, motseta, Modimo ka nameng ya motho, o rile, “Gobaneng a segile?”

²²⁴ Yeo e be e le tiišetšo. Gobaneng? Go laeditše kutollo e be e nepile. Go laeditše gore se a bego a Mmiditše, Elohim, o be a nepile. Ka gore, O be a le Lentšu. Yeo e be e le . . . Ka go Bahebere, tema ya 4, temana ya 12, e rile, “Lentšu la Modimo ke le bogajana go feta tšoša ya magalemabedi, gomme le hlatha menagano le maikemišetšo a pelo.” Gomme ge Abraham a bone se, o be a na le nnete nako yeo a kgona go Mmitša, “Elohim.” Elohim, O be a le Lentšu, “Go swana maabane, lehono, le go ya go ile.”

²²⁵ Elang hloko ge Jesu, Peu ya bogoši ya Abraham, a etla go lefelotiragalo, O ikutolotše ka Boyena go peu ya tlhago ya Abraham, ka go leswao le le swanago. Gomme ba Mmiditše, “Beletsebubu.” E ba foufaditše, basedumele, e ba foufaditše le go ba dira go rogaka, le go ba romela heleng. Eupša e file pono ya Gosafelego go badumedi, bao ba bego ba beetswe go Bophelo bjo Bosafelego.

²²⁶ Hlokamelang, Jesu o tshepišitše gore . . . ka matšatšing a mafelelo, feela pele ga go tla ga Morwa wa motho, gore O tla tla le go ikutolla Yenamong, ge matšatši ao Morwa wa motho a utollwago, Peu ye ya bogoši ya Abraham e tla bona leswao la go swana. Bjale hlokamelang, ge A rile, yoo ke—yoo ke Mokgethwa Luka 17:28 le 30, “Gomme bjalo ka ge go bile ka matšatšing a Sodoma.” Bjale, Jesu o boletše se. Ga ke na maikarabelo go sona. O . . . Ke na le maikarabelo go se bolela, go bolela se A se boletšego. Eupša, Jesu o boletše se, “Bjalo ka ge go bile ka matšatšing a Sodoma, go tla ba bjalo ka go tleng, mo go tleng ga Morwa wa motho,” bjale hlokamelang, “ka matšatšing ao Morwa wa motho a utollwago, ge Morwa wa motho a utollwa go Kereke ya Gagwe.”

²²⁷ Go swana le go Abraham. O be a le Modimo, O tšwetšepele a etla fase; a tiišetša kgwerano, a lemoga gore O be a le Mang, gomme leina la gagwe la fetolwa. Hlokamelang, le fetogile feela pele A fihla thabeng, a lebeletše godimo ga Sodoma, feela pele Morwa wa tshepišo a etla godimo.

²²⁸ Jesu o boletše seswantšho sa go swana. Jesu o be a bala Beibele ya go swana ye ke e balago gomme le e balago. Ge le nyaka go tseba se e bego e le sona, eyang morago gomme le bone se ba bego ba se dira ka matšatšing a Sodoma. Hlokamelang, e sego bontši bjalo ka matšatšing a Noage (O boletše maitshwarohlephi a bona, ka fao ba bego ba eja, ba enwa, ba nyala, ba fiwa lenyalong), eupša ka Sodoma.

²²⁹ Bjale ga go “sa na meetse,” Modimo o tshepišitše seo ka leswao la molalatladi. O re fa leswao. Ka mehla O fa maswao. Molalatladi... Ka mehla O elelwa maswao a Gagwe. Ka mehla o botega go yona go kgabola mengwaga, ga a tsoge a šitwa go fa leswao lela la molalatladi. Ka mehla O fa maswao a Gagwe. Hlokamelang.

²³⁰ Gomme ka go leswao lela, O tshepišitše go se senye lefase “gape ka meetse,” eupša O rile le tla “swa.” Gomme hlokamelang Jesu fa a re, “Bjalo ka ge go bile ka matšatšing a Sodoma,” lefase la Bantle le be le eya go senywa. Basodoma!

²³¹ Bjale lebelelang maitshwaro a ditšhaba. Lebelelang maitshwaro a kereke, go no swana le Loto. Lebelelang se se lego tlase magareng ga bona: monna, G-r-a-h-a-m, o a ba thuthupiša, bona boradipolitiki, go ya go kereke tlhagong. Bjale go kereke semoyeng...

²³² Ka mehla go ne magoro a mararo a batho. Bao ke, badumedi, basedumele, le baitirabadumedi. Ba na le bona ka go lešaba le lengwe le le lengwe. Ge o ikwetše kgatelelo ye ke e dirilego, o tla tseba ba be ba le thwi mo bošegong bjo. Kafao gona, kafao, le... gomme ohle a mararo. Hlokamelang, ke lena bao, ka mehla go ona magoro a mararo mogohle.

²³³ Bjale ge le ka bona gore e be e swanetše go ba selo sa go swana ge Morwa wa motho a be a swanetše go utollwa go Peu ya bogosi ya Abraham, ka Kriste (Kriste ke Peu ya Bogoši), ge A utollwa ka matšatšing a mafelelo. Bjale, maemong, lefase le dutše tlwa, gobane Morwa yo a tsogilego ka Bohlabela o dula ka Bodikela. “Gomme e be e le letšatši la leutu,” go dira mekgatlo, dikerekemaina, “eupša go tla ba Seetša nakong ya mantšiboa,” go boletše moprofeta Jeremia. Bjale, gomme ka matšatšing ge Morwa yola, O tla ntle go tšwa ka morago ga maru a kerekeleina, go ikutolla Yenamong, O rile lefase le tla be le dutše feela boka le bile matšatšing a Sodoma, gomme Morwa wa motho o tla ikutolla ka Yenamong gape go batho ba Gagwe. Lebelelang ka fao A e utolotšegeo go peu ya Isaka; lebelelang ka fao A yago go e utolla go Peu ya bogosi, Monyalwa wa Bogoši, Kgošigadi. Kgošigadi ke Peu ya bogosi.

²³⁴ Bjalo ka ge Modimo a ntšhitše setšhabeng, ka Egepeta, O ntšha Kereke go tšwa go kereke, goba Monyalwa go tšwa go kereke; Kereke go tšwa go kereke. Gomme mašalela a Peu ya mosadi, seo ke se sa go šala, “fao go na le go lla le go

ngaula le go tsikitlana ga meno, gobane ba be ba se ne Oli ka maboneng a bona, Moya wo Mokgethwa,” ka mehla o emetše. Bona šebale.

²³⁵ Maemo a dutše thwi. Gomme bjale lebelelang godimo ga thaba. Bjale, Kereke, Abraham; Loto; Basodoma. Lefase; kereke; Bakgethiwa. Kereke, Monyalwa, go tšwa kerekeng. Re dutše madulong gabotse. Lefase le no ba ka go mokgelempuo wa maleba go yona.

²³⁶ Phapogo! Se sengwe le se sengwe se fapošitšwe. Ke gore, ke tla le botša, se sengwe le se sengwe ke motswako. Ba . . .

²³⁷ Ke tlide fase, ka bona leswao le legolo, le re, “Lehea la motswako.” Gobaneng, ga se la loka. Aowa. Seo se swanetše go dira lena baganamodimo go taboga. Ge Modimo a rile, “A peu ye nngwe le ye nngwe e hlagiše mohuta wa yona.” Gomme o ka kgona go tswaka lehea le go le dira lehea la go lebega bokaonana, eupša o ka se kgone go bjala leo morago gape; ga le ne bophelo ka go lona.

²³⁸ Gomme yeo ke tsela ye re dirilego kereke. Re e dirile ye botse, le go e kgabiša ka magadigadi a kerekeleina, eupša ga e na le Bophelo ka go yona. E ka se kgone go tšweletše bohlatse bjola bja Beibele gape. Le a bona? E ka se kgone go tšweletše bohlatse bja tsogo ya Kriste. Ke taba ya motswako.

²³⁹ Batho ba go apara bokaonana ba go lefša bokaonana, dikerekemaina tše kgolwane, tša go humahumi, tša Lebaka la Laodikia, tlwa. “O humile, ga o hloke selo; ga o tsebe gore o madimabe, o a nyamiša, o foufetše, le go diila, o hlobotše, gomme ga o tsebe.” Ge monna a tsebile o be a hlobotše, o ka bolela le yena. Eupša ge a sa e tsebe, seo ke sebopego sa madimabe, sa go šokiša. Le se ke la kwera motho, eupša e bang le kgaogelo. Go ka reng ge e be e le wena ka seemong sela? Go ka reng ge Lentšu le be le se la utollwa go wena, o be o tla dira eng? Ke eng gape se ka tshwenyago, ge mahlo a gago a be a foufetše kudu o ka se kgone go Le bona? Yeo ke ponagalo ya madimabe.

²⁴⁰ Gomme feela tlwa, maemong. O ka se kgone go bea monwana godimo ga yona; e dutše fale, feela se A rilego se tla direga. “Maswao a a tla ba ka matšatšing a mafelelo.” Le bona mo a dutšego, feela tlwa.

²⁴¹ Bjale šetšang, go tswaka. Le a tseba, ge e ka ba eng ke . . . O tšeа, go swana o tšeа to—to—to tonki, gomme wa e tswadiša le pere, peretshadi, a ke re, gomme o hwetše eng? O hwetše mmoula. Eupša mmoula wola ga o kgone go tswala gape. Le a bona? Modimo o rile, “A peu ye nngwe le ye nngwe e tšweletše mohuta wa yona.” Bjale ebolušene ya gago e tšwa kae? Projekte ya gago mong e sotše se o rilego o a se dumela. Modimo o rile, “A peu ye nngwe le ye nngwe e hlagiše pele mohuta wa yona.” O ka se kgone go tswala morago gape. Aowa, aowa. O fedile.

²⁴² Gomme ke a nagana mmoula ke se sengwe sa di—di dilo tša go hloka tsebo kudu nkilego ka di bona. O ka se kgone go mo ruta selo. O tla dula fale ka tšona ditsebe tše kgolo tše telele, le a tseba, gomme o tla leta go fihla wona motsotso wa go hwa go go raga, pele a ehwa. O no . . .

²⁴³ O ka se kgone go mo ruta selo. E a nkgopotša . . . O tla dula fale, gomme o ya go mmotša dilo, go nkgopotša ka batho ba bangwe, ba tleleima go ba badumedi lehono. Ditsebe tše kgolo tše telele, ba dutše fale, gomme, “Matšatši a mehlolo a fetile. Ho! Ho! Ho!” Ga a tsebe moo a tšwago gona. Ga a tsebe selo ka Lona. Selo se nnoši a se tsebago ke thutotumelo tsoko ya kereke.

²⁴⁴ Eupša a nke ke le botše, ke ne ditlhompho go motswakotlhawatlhw. Šaatena, a ka kgona go le botša tswalothlwatlhw ya gagwe. A ka kgona go go botša gore tatagwe e be e le mang, mmagwe e be e le mang, kokwagwe ke mang, rakgolo e be e le mang. Ke tswalothlwatlhw.

²⁴⁵ Go bjalo ka Bakriste bale ba tswalothlwatlhw, ba ka e kitimiša thwi go otlologa morago go ya go Puku ya Ditiro le go bona moo ba tšwago gona, Mokriste wa tswalothlwatlhw, a tswetšwe ke Moya wa go swana, selo sa go swana, o dira ka tsela ya go swana.

²⁴⁶ Ka bahlomari ba go swana; ditonki le dipere di eja mmogo. Yeo ke nnete. Ke lena bao. Le swanetše go ba le yona, go le bjalo. Le ke letšatši la motswako.

²⁴⁷ Ke bone seripana ka go *Reader's Digest*, e sego telele go fetile, “Tšwelapele o fepa basadi nama ye ya motswako le—le dilo, ba ka se kgone go ba le masea a bona. Ba a fetoga. Ba ba bogolwane magetleng, le go sesefala matheka.” Gobaneng, ke, le a tseba motho ka mehla o itshenya yenamong ka tlhabologo.

²⁴⁸ Ebla morago go Modimo! Dumela Modimo. Ebla morago go Peu ya setlogo. Ebla morago gomme o Le dumele. Le badile tša ka dithei . . . le na le ditheipi tša ka, a ke re, ke a thank a le di kwele, go: *Peu ya Setlogo*, le *Mohlare Monyalwa*, le dilo tše, e lego therešo. Morena o tseba seo.

²⁴⁹ Ka fao dilo tše di boleletšwegopele, dikgwedi le dikgwedi. Lena batho, se le se bonago mo, e no ba se sennyane, se le se bonago se direga. Botšišang batho bao ba lego mmogo, botšišang ge eba nako e tee e kile ya šitwa. O bolela ka batho, ditšhišinyego tša lefase, dilo tše di yago go direga. Moya wo Mokgethwa o a re botša. A yeo ke nnete? [Phuthego e re, “Amene.”] Go ne monna yoo a bilego . . . Kgonthe. Le ka batho ba go fapana.

²⁵⁰ Go swana le Marilyn Monroe, tsela pele a ehwa. Ba boletše gore o ipolaile. Ga se a e dira. O hwile ka tlhaselo ya pelo. Ka nnete.

²⁵¹ Monna yo, molwi yo. Mothaloo wa Maginot ka Jeremane. Dilo tše tšohle, feela dikete tša dilo, ka go phethagala godimo ga

mothalo, nako ye nngwe le ye nngwe. E ka se kgone go ba selo gape eupša Moya wo Mokgethwa. Le a bona? Le a bona? O e tshepišitše.

²⁵² O file dilo tše šupago ka 1933, di tla direga. Gomme bjale ye nngwe le ye nngwe ya tšona e tlie go phethega eupša dilo tše pedi, ka go phethagala, feela tlwa. Ka fao gore ebile le Mopresidente Kennedy o tla tšeelwa ka gare. E thwi ka kua dipukung tša ka gonabjale, e boletšwe mengwaga ye masometharo tharo ya go feta, tlwa. Ka fao Mothaloo wa Maginot o bego o tla agiwa, mengwaga ye lesometee pele o ka agwa. Ka fao Hitler a bego a tla tsoga, le—le Bofasci, le—le Bonazi, le tšohle go tlemagana ka bokomonising, gomme bokomonisi bo tla senya Bokatoliki. Gomme bo tla dira, ee, ga go kgathale se ba se dirago. Gomme o laeditše, o rile go tla ba le Khansele ya Mohlakanelwa, le ka fao gore dikereke tšohle di tla tla mmogo le go dira seswantšho se se bitšwago Leswao la Sebata. O ba bona thwi mo tseleng, gonabjale. Nnete tlwa. E swanetše go direga, gobane ga se nke ya šitwa go ba.

²⁵³ Yo mongwe le yo mongwe yo a kilego a e tseba, yo mongwe le yo mongwe, ba tšee go dikologa lefase, ga se ya ke ya feila nako e tee. Dikgwedi le mengwaga pele ga nako, e no ba go phethagala thwi lefelong. Ke Modimo magareng ga lena, batho; Modimo ka go rena, Moya wo Mokgethwa. Hlokomelang, Jesu o boletše gore Peu ya bogosi e tla tsebagatšwa ka selo sa go swana, mo ka go Luka tema ya 17. “Oo, boang, O bašwalalanywa, go tšwa go dikerekemaina tša lena, go ya go tša lena beng.”

²⁵⁴ E ka ba mang wa rena a ka dumela gore Modimo... Ge o dumela go Modimo, o a tseba Modimo o fodiša balwetši. Yeo ga se potšišo. Gobaneng, ge o sa dumele yeo... Le a tseba, ba boletše ka go wona matšatši, “Jehofo, re a tseba A ka kgona go fodiša, eupša A ka se kgone go phološa.” Bjale, “A ka kgona go phološa, eupša A ka se kgone go fodiša.” Le a bona, feela diabolo wa go swana, selo sa go swana. Yena ke bobedi Mophološi le mofodiši. Yena ke Jehofo-Jireh le Jehofo-Rapha.

²⁵⁵ Oo, boang! Elelwang, O tshepišitše maemo a, a se sengwe le se sengwe se dutšego feela ka tsela ye se lego bjale, gore se se tla diregago. O rile se tla direga, gomme se swanetše go direga.

²⁵⁶ Setšhaba, ke maswabi. Ke le swareletše thari bjale. A re inamišeng dihlogo tša rena motsotsa feela, ke ya go... Ke tla fetša ye, mohlomongwe, gosasa bošego. Ke na le e ka ba matlakala a tshela go fetiša a dinoutse mo. Inamišang dihlogo tša lena nakwana feela. Ebang tlhomphokgolo, yo mongwe le yo mongwe.

²⁵⁷ O ka no se dumelane le nna; o na le tokelo go seo. Ke na le tokelo go hlagiša se ke se naganago. Ke bile le Lengwalo. Bjale, ga go kgathale se nka se boleLAGO, ge Modimo a sa thekge seo, gona Urim Thummim ga e šome, gona se gannwe. Ga go kgathale

se kwagala gabotse gakaakang, le ka fao se kwagalago kgonthe, Urim Thummim e swanetše go se bontšha. Peu e swanetše go tla bophelong. Ge e sa dire, gona go be go se bjalo.

²⁵⁸ Bjale, go phodišo, ke lekile go le botša ga se nna mofodiši. Go na le monna ba bantši ba ba ipitšago bafodiši bonabeng. Gona go ne bontši bja—bja baswaswalatši bao ba bitšago monna bafodiši, bao, feels go swaswalatša. Pelo ya bona ga se ya loka le Modimo. Le a bona? E kaba mang o a tseba gore ga go motho yo a ka kgonago go fodiša yo mongwe. Modimo o fodiša bolwetši. A nke Modimo a bitše lehu la gago, le go rapela gohle o nyakago, gomme bookelo bo go fa tlhabelo ya tripi letsatši le lengwe le le lengwe, gomme o tla hwa feels go swana.

²⁵⁹ Ge ke sega seatla sa ka bošegong bjo, le go ema fa ka seatla se se segilwego, ga go sehlare lefaseng se ka kgonago go fodiša seatla sa ka. Ga re na le sehlare se se fodišago. Ga go sehlare se se fodišago. Ngaka efe kapa efe e tla le botša seo. Se no tšwelapele se hlwekiša mola Modimo a fodiša. Se ka se kgone go aga thišu. Ge nka sega seatla sa ka, gomme, “Oo,” o re, “ee, Ngwanešu Branham, go na le sehlare go fodiša seo.” Go lokile, ke nyaka go tseba se e lego sona.

²⁶⁰ A ke le laetšeng. Ge ke sega seatla sa ka gomme ka wela fase ke hwile mo, ngaka a ka tla gomme a omiša mmele wa ka le go ntira ke lebelelege wa tlhago lebaka la mengwaga ye masometlhano. A roka seatla sa ka, gomme a ntšhetša ntle fale le go mpha moento wa phenisilini, letsatši le lengwe le le lengwe, gomme mengwageng ye masometlhano go tloga bjale mosego wola o tla no ba go swana le ge o bile ge o be o dirwa. Ge—ge sehlare se diretšwe go fodiša mosego, gobaneng se sa o fodiše? Sehlare e ka ba sefe se tla fodišago mosego ka seatleng sa ka, se tla fodiša mosego godimo ga teseke ye, se tla fodiša mosego go jase ya ka. Ge se ka fodiša mosego, se tla fodiša mosego go sa kgathale mo e lego. “Gabotse,” o re, “gobaneng, sehlare se diretšwe batho.” Gona gobaneng se sa fodiše? “Gabotse,” o re, “bophelo bo tšwile go wena.” Gona go ne se sengwe gape ntle le seo sehlare se fodišago.

²⁶¹ Ke bophelo, nnete, gomme bophelo ke Modimo. Nnete, ke bjona. Efela, ba bangwe ke badiradibe, ba fapošitšwe ka bjona, eupša efela o ka seswantšho sa Modimo. Gomme bophelo bjo o nago nabjo bjo Modimo a go filego bjona. O tseba seo; aowa, ka baka la gore Modimo ke mofodiši. Bophelo ke mofodiši. Le dumela seo, le a bona. Le bone bontši bo dirwa!

²⁶² Bjale a re nong go Mo amogela, a le ka se ke? Pele re dira seo, ke a makala ke ba bakae ka fa ba kgodišegilego, pele... Ge le le bosetlaboswana mo, le se la ke la ba ka mo pele, gore le Mo dumela go ba Morwa wa Modimo? Gomme ka wo, Molaetša bošegong bjo, Lentšu le nnoši, pele ebile A dira e ka ba eng, gore o a Le dumela, gomme le nnyaka ke le gopola ka thapelong,

phagamišetšang seatla sa lena godimo. A le tla? Oo! Modimo a le šegofatše. Oo, nna! Diatla tše makgolotharo goba makgolonne. Modimo a le šegofatše.

²⁶³ “Tumelo e tla ka go kwa, go kwa Lentšu.” Lebaka le ke boletšego gore, Peu e tla hwetša go ratwa ke Modimo. Ke a nagana bjale, go na le go—go no bitša mothalo wa thapelo godimo mo, ke tla no ba le lena go rapela.

²⁶⁴ A ke le feng Lengwalo, pele. Ka se re se dirago, e swanetše go ba sa Lengwalo. E swanetše go ba sa Lengwalo! Modimo a ka se hlomphe selo gape. Modimo a ka se hlomphe maaka; le tseba seo. Le—le ka se kgone go gomaretša seo go Yena. Ga a hlomphe maaka. O hlompha feela Lentšu la Gagwe. Eupša O tshepišitše, gore, “Lentšu la Ka le ka se boele go nna le le feela. Le tla phethagatša seo Le se reretšwego.” Gomme re bona Lentšu leo le abetšwego lehono. Ga go kgathale gosedumele go gontši gakaakang go tsogago ka kampeng, Modimo o tla hlompha Lentšu la Gagwe ge A hwetša tumelo go Le hlompha ka yona.

²⁶⁵ Bjale felotsoko ka moagong, ke nyaka le tše Lengwalo le. Bahebere tema ya 3, ke a dumela ke yona. Beibele e boletše, gore, “Ke Moprista yo Mogolo, thwi bjale, yo a kgonago go kgwathwa ke maikutlo a mefokolo ya renā.”

²⁶⁶ Gomme lena bao le phagamišitšego seatla sa lena, ke a le nyaka, ka pela ge tirelo e fihla go tswaleleng fa, Ke le nyaka le tle godimo le go ema go dikologa mo le go rapelelwa, le amogelete Kriste bjalo ka Mophološi wa lena. Iša tsela ya gago go ye nngwe ya kereke tsoko ye kaone tikologong fa. Ga go kgathale moo e lego, yo mongwe yoo a rerago Ebangedi, eya go bona gomme o kgopele bakeng sa kolobetšo ya Bokriste. Gomme modiša o tla go tše go tloga fao go ya pele. Ke monna wa Modimo. O buditšwe go ba monna wa Modimo, o tla—o tla go tše go tloga fao go ya pele. Feelá, ge nkabe ke be ke le fa ka go toropokgolo ye, ke be ke tla ba wa tše dingwe tša dikereke tše fa. Ke tla tla go bona, bona ba ba dumelago Ebangedi. Ke tla ba fao. Nnête, ke tla itsebagatša nnamong le bona, ka gore seo ke se o hlokago go se dira. Gomme seo ke se o hlokago go se dira.

²⁶⁷ Bjale, ge A le Moprista yo Mogolo yoo a kgonago go kgwathwa ke maikutlo a mabofokodi a renā, bjale O a swana maabane, lehono, le go ya go ile, kagona O tla swanela go dira go swana bjalo ka ge A dirile maabane.

²⁶⁸ Bjale šetšang, mosadi yo monnyane o kgwathile kobo ya Gagwe, nako ye nngwe, gomme O retologile go dikologa le go tseba se a bilego le sona, gomme a mmotša gore tumelo ya gagwe e mo pholosítše. Gomme o ikwetše, ka gare ga gagwe mong; ga se a ke a tše matsapa e ka ba afe go e netefatša. O be a se a swanela go e netefatša.

²⁶⁹ Ga o netefatše dilo. O dumela Modimo. Le a bona? Ga o netefatše Modimo, le gannyane. O ka se kgone go netefatša, go phološa bophelo bja gago, go na le Modimo, go no ya ntle mo le go re, "A nke ke Mmone." Le a bona, o swanetše go Mo dumela.

²⁷⁰ Ditlhamo ka moka tša Modimo ke tša kagodimogatlhago. Lerato, thabo, tumelo, bopelotelele, kgotlelelo, boleta, le a bona, gohle kagodimogatlhago. Re lebelela dilo tše o sa kgonego go di bona ka leihlo la gago la tlhago.

²⁷¹ Gomme Kriste o mo bošegong bjo. O e tshepišitše. "Kae kapa kae mo ba babedi goba ba bararo ba kgobokanego Leineng la Ka, fao Ke gona magareng ga bona. Fao Ke gona!" Yena "Nna" gape, O mo. Bjale, "O a swana maabane, lehono, le go ya go ile."

²⁷² Wena rapela, gomme o re, "Morena Jesu, ke a babja," goba e ka ba eng o e hlokago. "Ke—ke a hloka, gomme ke—ke a Go nyaka, morategi Modimo, go ba le kgaogelo godimo ga ka, le go mphodiša le go ntira ke loke. Gomme bjale ge ke na le tumelo go lekanelo, Morena, go kgwatha Wena...ke—ke a tseba gore Ngwanešu Branham ga a ntsebe. Ke nna mosetsebje. Gomme ke a tseba ga a ntsebe. Bjale, ge—ge monna yola a mpoditše Therešo, ye ke dumelago gore ke yona, ka baka la gore e tšwa thwi go Lentšu la Gago. Ke Le badile, ke a bona Le lebega feela ka go phethagala gabotse. Bjale Le tiišetše. Ke tteleima go ba Peu ya Abraham, ka Kriste, ke tteleima go ba Peu ya bogoshi, go dumela go Jesu Kriste, Peu ya Bogoši. Gomme ke dumela go ba karolo ya Monyalwa wa Gagwe, Kereke ya Gagwe ye A e tlelago. Gomme ke a babja le go hloka. Hle, Morena Jesu, a nke ke kgwathe kobo ya Gago. Gomme tii...gomme e tiišetše go nna ka go bolela ka Ngwanešu Branham, bjalo ka ge A tshepišitše go tla ba 'boka go bille matšatšing a Sodoma.' A nke ke no...a nke a mpotše se ke naganago ka sona, go rapelela, se ke se nyakago, seo dinyakwa tša ka di lego, se sengwe ka nna." O dira seo, e no se dira.

²⁷³ Tate wa Legodimong, bjale yohle e ka diatleng tša Gago. Bjale se ke sohle nka kgonago go se dira, goba monna e ka ba mang yo mongwe, a ka no bolela se O se boletšego Mo, Therešo. Bjale e tiišetše, Morena, go ba Therešo. Ke boletše ka Wena. Bolela gore ke boletše Therešo. Leineng la Jesu Kriste. Amene.

²⁷⁴ Ke nyaka le no—le no dumela, go no ba le tumelo. Bjale go se be yo motee a sepelago go dikologa. E nong go dula ka tlhomphokgolo ka nnete. Ke nyaka le eleletše go eme pele ga lena, ka mo felotsoko, Kriste, o tsogile go tšwa bahung; o tlide thwi go kgabola maboto nako ye nngwe, a ja borotho, o rile, "Mphopholeng, Ke nna nama le marapo," gomme o timeletše thwi pele ga bona. Bjale O—O tshepišitše gore O tla bonagala ka matšatšing a mafelelo, ka sebopego sa nama ya motho gape, ka nameng ya gago, go swana le ge A dirile ka matšatšing a Sodoma. Modimo, yo e bego e le Kriste, a bonagaditšwe nameng, bjale ka Kerekeng ya Gagwe, Monyalwa wa Gagwe. Le a bona, ba tla

mmogo. Ke nako ya go kopana. Dikereke di a kopana, ditšhaba di a kopana, gomme Monyalwa le Kriste ba a kopana. Le a bona, ke nako ya go kopana.

²⁷⁵ Bjale e no dumela, bonolo. O se ke wa leka go tšhoga le go gatelela se sengwe, gobane ga o hwetše selo. Feela—feela ka go kokobela e re, “Morena, ke a dumela.” Yo mongwe o no dira seo. Gomme bjale ke . . .

²⁷⁶ Ke ba bakae ba dutšego pele ga ka, gagolo . . . Bjale, ke tseba monna ba *mo*, le ba *mo*. Ke tseba ba bangwe ba dutšego *mo*. Go ka reng ka thwi *mo*, feela thwi ka pele ga ka? A nke re gafeleng go sehlopha se sennyane se thwi ka *fa* felotsoko. Ke ba bakae ba sa nkago ba bona Kriste a itira Yenamong go tsebjia ka mokgwa wola, ka . . . A re boneng diatla tša lena, “Ga se nke ba ke ba e bona.” Ke a thanka yo mongwe le yo mongwe o e bone. Go lokile.

²⁷⁷ Le rapele bjale. Bjale e nong go ba le tlhomphokgolo. Ga ke tsebe gore O tla dira. Nka se kgone go bolela seo. Go go Yena. A go tla go dira o dumele, go tia ka kgonthe? Morena o kwa seo. O tseba dilo tšohle.

²⁷⁸ Monna a dutšego thwi fale, o sotlega ka go tsupuga ga setho. A o a dumela gore Modimo o tla fodiša go tsupuga fao ga setho? O a dira? Re basetsebane yo motee go yo mongwe, ke a nagana, wena le nna. Ga ke go tsebe. Ga se ka ke ka go bona. Eupša ge seo e le se o bego o rapela ka sona, emišetša seatla sa gago godimo. Ge seo e le therešo, emišetša seatla sa gago godimo, monna yo a dutšego . . .

²⁷⁹ A o dumela gore—a o dumela gore ge Andrea a boditše Simone go tla go bona gore ba hweditše Mesia, gomme ge a etla godimo ka Bogoneng bja Morena Jesu? Go beng gore o kgokagane le Sengwe bjale, thapelo ya gago. Le a bona, O mmoditše o be a le mang. O a dumela Modimo a ka mpotša o mang? Ge o ka e dumela, A ka e dira. A seo se ka go hlohleletša go dumela ka pelo ya gago yohle? A e tla dira ka moka ga lena ka tsela yeo? [Phuthego e re, “Amene.”—Mor.]

²⁸⁰ Bjale monna o beile diatla tša gagwe godimo, gore e ka ba eng a e boditšwego . . . ga ke tsebe; Ke tla swanelia go kitimiša theipi, le a bona. E ka ba eng e bilego, e bile nnete. A yeo ke nnete, mohlomphegi? [Ngwanešu o re, “Amene.”—Mor.] Go lokile. E ka ba eng e bilego, ke nnete.

Mna. Shepherd, dumela ka pelo ya gago yohle. “Ge o ka kgona go dumela.”

²⁸¹ Bjale seo ga se fete se A se boletšego, “Leina la gago ke Simone, morwa wa Jona.” Bjale ge le ka no dumela, seo ke sohle se lego bohlokwa. Le a bona? Bjale ke eng? O tshepišitše seo. O file tshepišo yela. Seo se bontšha gore O fa. E sego feela nna; O ka go lena. O ka go Mmele wa Gagwe wa badumedi.

²⁸² Mohumagadi yo monnyane, a llago le go rapela, ka hlogo ya gago fase. A sotlega ka kankere. Ge o ka se boife, gomme o tla dumela, Modimo o tla go dira o fole ge o ka e dumela. O ya go e foša, kgonthe. Mdi. Hood, dumela ka pelo ya gago yohle bjale, gore Jesu Kriste o go dira o fole, gomme o ka ba le se o se kgopetšego. Bjale o ya go e dumela ka pelo ya gago yohle? Amene.

²⁸³ O dutše thwi kgauswi le wena go na le mohumagadi yo a nago le bothata bja mogodu, bothata bja pelo, ditlhakahlakano. Ge o dumela ka pelo ya gago yohle, o ka kgona go ba le phodišo ya gago. A o e dumela ka pelo ya gago yohle, o tla e amogela? O a dira? Go lokile.

²⁸⁴ Monna yola fale ka diphaele, a o a dumela gore Modimo a ka kgona go fodiša diphaele tšela le go go dira o fole? Phagamela godimo.

²⁸⁵ O be o nagana eng ka yona, o dutše kgauswi le yena kua, ka go tsupuga ga setho? A o a dumela gore Modimo a ka kgona go fodiša tsupogo yeo ya setho le go go dira o fole?

²⁸⁶ Mohumagadi thwi kgauswi le letsogo la gago fale, o sotlega ka hlogo ya go opa. E ile bjale. A ga se ya? Le a bona, tumelo ya gago e e dirile. Seo ke sohle o swanetšego go se dira, e no ba go dumela.

²⁸⁷ Mohumagadi šo mo ka bolwetši bja swikiri. O a dumela gore Modimo o tla go dira o fole, mohumagadi, o dutšego fao ka bolwetši bja swikiri? A o a dumela gore Modimo a ka kgona go mpotša gore o mang? O a e dira? Mdi. Robinson. Leo ke leina la gago.

²⁸⁸ Bea seatla sa gago godimo ga gagwe fale bakeng sa go tsupuga fao, mohlomongwe Modimo o tla mo dira a fole, le yena. Ge o e dumela! A o tla e dira? Go lokile, mohlomphegi.

²⁸⁹ Mohumagadi yo a dutšego kgauswi le wena, bea seatla sa gago godimo ga gagwe, mohlomphegi, o na le go tšhatšhamela ga megalatšhika. A o a dumela gore Modimo o tla fodiša go tšhatšhamela ga megalatšhika le go go dira o fole? O a dira, o ka kgona go ba le phodišo ya gago, le wena. O swanetše go e dumela.

²⁹⁰ Bjale yeo ke tiišetšo. Modimo o dirile tshepišo, bjale ke ba bakae ba dumelago gore Kriste o fa? Le a e dumela? Bjale, lena bohole ba le nyakago, ka Bogoneng bja Gagwe bjale, yoo a nyakago kgaogelo go tšwa go Yena, yoo a nyakago kgaogelo go soulo ya gago, gomme o nyaka go Mo amogela bjale ge o sa le thwi ka Bogoneng bja Gagwe, o tsebagatšwa. Bjale ke . . .

²⁹¹ Monna a ka no tla ka fa ka mabadi a dipikiri diatleng tša gagwe, le mengwapo ya meetlwa gomme a re, “Ke nna Morena.” Moikaketši e ka ba ofe wa kgale a ka kgona go dira seo. Eupša, Bophelo! Mmele wa Morena Jesu o dutše ka seatleng se setona

sa Bogoši; ge A etla, nako ga e sa le gona, ge mmele wola o boela lefaseng. Eupša Moya wa Gagwe o fa, Bophelo bja Gagwe bo fa bohlatse bja Gagwe go beng fa. Le a bona? “Ke tla ba le lena, le ka go lena, go fihla bofelong bja lefase.”

²⁹² Gomme le nyaka kgaogelo go tšwa go Yena bjale, a le ka no emela lentšu la thapelo? Gohlegohle moagong, lena bao... e ka ba kae le lego, a le ka ema? Modimo a le šegofatše, moragorago ka fale. Yeo ke nnete, nno tšwelangpele le eme. Nno emang ka maoto a lena, ke sohle ke nyakago le se dira. E no emeleta motsotso, bakeng sa thapelo. Ge o ka Mo emela! Ge o Mo jelwa ke hlong bjale, O tla go jelwa ke hlong pele ga Tate; gomme ge o—ge o rata go Mmolela bjale, O tla go bolela pele ga Tate. “Bjale ke nyaka go amogela Kriste bjalo ka Mophološi wa ka. Ke nyaka A ntlatše ka Moya wa Gagwe gonabjale. Ke a Mo nyaka.” E nong go fela le eme nakwana feela, bakeng sa thapelo, ge le rata. Emelelang. Yeo ke nnete. Ke nyaka... Ke ikwela ke hlahlwa go dira se, go dira al... Ye ke pitšo ya aletara. Emelela. Ga re na aletara go tla go yona; pelo ya gago ke aletara. E no gogela morago gosedumele gohle, le go tseba gore O fa bjale. Emelelang ka maoto a lena, lena ba le nyakago go amogela Kriste thwi bjale, ka Bogoneng bjo Bokgethwa bjo o ikwelago bjona, bjo bo hlatsetšwego bjale.

Bjale a re inamišeng dihlogo tša rena.

²⁹³ Morena Jesu, ke ba Gago. O rile, “Ga go motho a ka tlago go Nna ntle le ge Tate wa Ka a mo goga.” Gomme bjale go ya ka saense, ebile ba ka se kgone go phagamiša seatla sa bona; molao wa kgogedi ya lefase o re diatla tša rena di swanetše go lekelela fase. Eupša go na le bophelo ka go bona, gomme bophelo bjoo bo tlišitšwe kgauswi le Bophelo bjo Bosafelego, Kriste. Gomme ba dirile sephetho ka pelong ya bona, gore ba feditše ka lefase. Gomme ba phagamište diatla tša bona le go ema ka maoto a bona, ba emelana le molao wa lefase, gore go na le bophelo ka fale. Kafao re emelana le molao wa lefase le gosedumele!

²⁹⁴ Leineng la Jesu Kriste, ke ba Gago. Ke dimpho tša lerato tša Ebangedi. Ke digopotšo tša Molaetša, bosegong bjo, le... Bogona bja Gago bjo bogolo le rena. Bea maina a bona godimo ga Puku ya Kwana ya Bophelo, Fao, Morena. Re a rapela gore—gore yo mongwe le yo mongwe wa bona o tla ba Kua, bjalo ka bana ba Gago, baratwa ba Gago.

²⁹⁵ Ba tlatše ka Moya wo Mokgethwa wa Modimo, ka dipelong tša bona. A nke maphelo a bona a gafelwe kudu ka Maatla a Ramaatlakamoka Modimo, gore boikokobetšo le lerato le botho le boleta di tla elela go tšwa go bona, le phišegelo go bona ba bangwe ba pholositišwe, bao ba kilego ba ba leemong la bona. E fe, Morena.

²⁹⁶ Selo se nnoši re ka kgonago go se dira, Morena, ke go dumela. Gomme ba eme bjalo ka segopotšo sa tumelo ya bona. Gomme bjale ka tumelo ya ka le tumelo ya bona, mmogo, re e bea

godimo ga aletara ya Gago, ka tumelo. Gomme ke sehlabelo se se robetšego fao, se letetše Morwa wa Modimo yo a dirilwego sehlabelo go ba amogela ka Mmušong wa Gagwe. E fe, Morena. Feela bjale a nke ba be ba Gago, Leineng la Jesu Kriste.

²⁹⁷ Bjale lena ba le dumelago go Yena ka pelo ya lena yohle, ba le emego, phagamišetša seatla sa gago godimo, o re, “Ke a Mo dumela. Ke a Mo amogela thwi bjale bjalo ka Molopolodi wa ka, gomme ke nyaka kolobetšo ya Moya wo Mokgethwa.” Phagamiša seatla sa gago. Modimo a go šegofatše.

Bjale le ka dula.

²⁹⁸ Gomme ke nyaka le dire tsela ya lena go ya go kereke tsoko, bjale, gonabjale.

²⁹⁹ Gosasa bošego re ya go ba le ko—ko kopano bakeng sa kolobetšo ya Moya wo Mokgethwa, gosasa bošego, thwi fa mo moagong. Bjale, go na le bohlanya bjo bontši ba bo bitšago kolobetšo ya Moya wo Mokgethwa, eupša seo ga se re gore ga go na Moya wo Mokgethwa wa kgonthé. Go na le wa kgonthé wa mmapale Moya wo Mokgethwa wa Modimo, feela go swana. Gomme ke a dumela gore O tla kopana le rena fa gosasa bošego.

³⁰⁰ Bjale, ke ba bakae ka moagong ba kgodišegilego gore re mo nakong ya bofelo? [Phuthego e re, “Amene.”—Mor.] Ke ba bakae ba kgodišegilego gore ye ke Therešo, Lentšu le swanetše go ba ka tsela ye ka matšatsing a mafelelo? Phagamiša seatla sa gago. [“Amene.”] Ke ba bakae ba lena e lego badumedi? Šikinyang diatla tša lena. [“Amene.”] Go lokile. Jesu o boletše Mantšu a, “Maswao a a tla latela bona ba ba dumelago, ge o le modumedi.”

³⁰¹ Bjale ke ba bakae ba hlokago Kriste ka mmeleng wa lena? Phagamišetšang diatla tša lena godimo. Go lokile, lena badumedi bao le dutšego hleng le bona, beang diatla tša lena go lena seng. Gomme ka tsela ye o rapelago ka kerekeng ya gago, yeo ke tsela ye o rapelago mo. O se ke wa ithapelela wenamong. O a ba rapediša; ba a go rapediša. Gomme Beibele e rile, “Ba tla bea diatla godimo ga balwetši, ba tla welwa ke maruru.” Bjale rapelang ka tsela ye le dirago, le ka tshepišo.

³⁰² Morena Jesu, ke ba Gago. Ba amogele ka Mmušong wa Gago. Gomme fodiša yo mongwe le yo mongwe, Morena; le disakatuku tše. Leineng la Morena Jesu Kriste, e fe, Morena. Sathane o lahlegetšwe ke maswaro a gagwe. A nke Maatla a Modimo Ramaatlakamoka a fodiše yo mongwe le yo mongwe.



JEHOFA-JIREH 2 NST64-0403
(Jehovah-Jireh²)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mantšiboa, Aporele 3, 1964, ka 4-H Club Barn ka Louisville, Mississippi, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org